

新
疆
識
略

欽定新疆識略序

西陲僻處要荒三代以前阻於聲教漢唐而後史乘傳記間及其疆圉風俗然皆以羈縻為事

金史卷一百一十五
未
有
隸
入
版
圖
者
洪
惟
我

皇
祖
高
宗
純
皇
帝
化
覃
九
有
功
歲
十
全
一
再
平
定
準
噶
爾
繼
復
平
定
回

部而竄徙異域之土爾
扈特旋亦向關輸誠歸
命恐後於是二萬餘里
之新疆自古頑梗弗率
者莫不在我戶闥列諸

編氓禕矣盛矣誠開闢
以來所未有也我
皇考仁宗睿皇帝覲揚
光烈累洽重熙
臨御二十五年無日不

以紹闡

前猷綏靖邊黎為念蓋
西土之惟時怙冒者六
十餘年於茲而親賢樂
利戶口繁登視昔倍臻

阜庶焉顧其幅員之廣
經理之宜初未勒有成
書昭示來許因
面命松筠司其事蓋以
其任伊犁將軍有年於

彼中情事知之有素故
也茲松筠纂輯告成繕
本呈進朕披覽全帙卷
首恭載

皇祖聖藻以下釐卷十

二有圖有表有叙論雖
於古蹟土俗物產略而
弗書而河山之襟帶城
郭之控制兵食財賦之
儲備田野畜牧之繁滋

條分件系顛末詳臚成
憲舊章粗已賅具爰為
命名曰新疆識略俾付
剞劂用資攷證庶幾後
之續事修輯者得有所

藉手矣書不云乎柔遠
能邇安勸小大庶邦朕
以涼德寅紹丕基撫疆
索之洪恢念販章之孔
厚上承

祖考燕貽之遠俯惕羣生
撫字之艱凡所以保泰
持盈乂安中外垂諸億
萬年而無遠弗屆者惟

有與邊庭將士交勸勉
於無窮焉爾

道先元年孟春之月
御筆

武英殿修書處刊校

欽定新疆識畧諸臣職名

總理

和碩親王臣綿忻

御前大臣戶部左侍郎總管內務府大臣宗室臣禧恩

總裁

經筵講官 實錄館總裁 尚書房行走禮部尚書臣汪廷珍

經筵講官部右侍郎兼管錢法堂事務並兼辦刑部統總管內務府查臣穆彰阿

提調

翰林院編修臣王惟詢

翰林院編修臣顏伯燾

總纂

翰林院編修臣祝慶蕃

翰林院編修臣孫貫一

纂修

翰林院編修臣傅綬

翰林院編修臣王炳瀛

翰林院編修臣雷文模

翰林院編修臣秦恩復

翰林院編修臣周貽嶽

翰林院庶吉士臣方傳穆

翰林院編修臣郎葆辰

翰林院編修臣吳振棫

翰林院編修臣吳敬恒

翰林院庶吉士臣鄂不順額

翰林院庶吉士臣周綺

翰林院編修臣張日景

協修

翰林院庶吉士臣田嵩年

翰林院庶吉士臣劉師陸

翰林院庶吉士臣邵曰誠

翰林院庶吉士臣明訓

翰林院庶吉士臣文蔚

翰林院編修臣徐法績

翰林院編修臣錢寶琛

翰林院庶吉士臣陳增印

翰林院編修臣李裕堂

翰林院編修臣錢駉

收掌

內務府筆帖式臣清平

內務府筆帖式臣文燦

翰林院筆帖式臣蘇芳阿

翰林院筆帖式臣阿克唐阿

監造

內務府郎中兼佐領臣廣敏

內務府員外郎臣祝麟

內務府員外郎臣麟保

正監造員外郎臣經文

副監造副內管領臣光裕

委署主事臣廣惠

六品銜庫掌臣格圖肯

七品銜庫掌臣豫恒

筆帖式臣慶願

委署庫掌臣福桂

委署庫掌臣得辛

額外庫掌臣松魁

候補筆帖式臣定邦

欽定新疆識畧

臣松筠恭纂

凡例

一我

朝削平西域崑崙月窟悉隸版圖爲開闢以來所未
有

聲威撻伐

耆定奏功

聖製煌煌炳垂天壤謹遵

欽定河源紀畧恭錄

欽定新疆諸畧 凡例

聖製詩文之例敬編

聖藻一卷并於簡端其先後次序謹照

聖製詩文十全集所分初定準噶爾再定準噶爾平定回

部各卷年分編次

一考證地理非圖繪不明

高宗純皇帝欽定皇輿西域圖志

欽定河源紀畧上稽星度下列土方山水鈎聯道涂經緯

提綱挈領縷晰條分誠足開歷代之羣疑垂千秋

之信錄今纂輯新疆識畧謹首編新疆總圖一卷

次北路輿圖一卷南路輿圖一卷伊犁輿圖一卷

南北兩路各城每城各爲一圖伊犁疆域較廣非
一圖所能盡特繪總圖一分圖四以期詳悉具備
無少遺漏至圖幅方向皆以南爲上以敬協

補座向明之義

一西域地名首見於前後漢書援古證今務求精確
謹於新疆總圖內附注漢書地名庶信而有徵瞭
如指掌

一新疆幅員周圍二萬餘里已極遼闊而各處山川
發脈濫觴或來從徼外或分歸別部尤屬荒遠如
葱嶺發脈於僧格喀巴布山其山則在衛藏以南

羅布淖爾伏地重源爲阿勒坦郭勒其地則在青海塔爾巴哈台齊桑淖爾其北出之額爾齊斯河則流入俄羅斯葉爾羌喀楚特山南雅布哈爾水則流歸西海方幅有限難以全繪謹於總圖內分界之地注明以窮原委

一平定新疆勒成方畧

武功顛末敘述綦詳第卷帙繁富難以備載謹敘錄大端撰紀事二篇以溯

決機制勝之神並紀廓土恢疆之始

一南北各城官制兵額臺站卡倫皆關綜核特詳載

於各城圖後至山川道里彼此聯屬則於總圖後
謹撰疆域總敘並仿鄺道元水經注之例作水道
總敘庶得攬其全體不致闕於方隅

一新疆既有軍臺又有營塘驛站頗爲紛雜謹詳臚
於道里表以便查核至所繪圖內專以軍臺爲主
無軍臺者書營塘補之

一新疆地名向係蒙古回語沿訛襲舊舛誤頗多今
如巴爾庫爾之爲巴里坤葉爾奇木之爲葉爾羌
喀什哈爾之爲喀什噶爾英阿雜爾之爲英吉沙
爾悉遵

欽定西域同文志改正至有元史所載西域地名人名如
哈喇和卓之爲合喇火者輝和爾之爲畏吾兒昂
克特穆爾之爲安克帖木兒布達錫里之爲卜荅
失里之類今所援引亦敬遵

欽定譯改遼金元史釐正

一伊犁將軍統轄南北兩路職任較繁是編自卷首
至卷三分載南北兩路事宜自卷四至卷十二則
專載伊犁事宜曰伊犁輿圖曰官制兵額曰屯務
曰營務曰庫儲曰財賦曰厥務曰邊衛而以外裔
終焉

一官制兵制前史皆各自爲志伊犁地屬軍營官因兵設故官制兵額合爲一門其訓練軍器則別詳營務門

一伊犁餉銀有取之本地者有撥自內地者茲特以調撥總數載於庫儲門其伊犁本地雜項所出另立財賦門以便稽核

一馬端臨作文獻通考每門皆有小序以明著述之意謹仿其例分撰小序冠於每門之首

一正史之例表皆各自爲卷茲須簡便無取分釐謹以道里表附疆域總敘水道表附水道總敘職官

姓氏表附官制門卡倫安設表附邊衛門哈薩克
世次表布魯特頭人表附外裔門凡爲表六

一新疆輿地久經載入續修

大清一統志原無俟別行纂輯惟各城案牘日久滋繁
每遇行查不無掛漏臣謹編識畧自平定之日起
至臣交卸之日止聊爲交代冊籍非敢同於志乘
故古蹟物產無裨政務者概置不錄

欽定新疆識畧目錄

卷首

聖藻

卷一

新疆總圖

卷二

北路輿圖

卷三

南路輿圖

卷四

伊犁輿圖

卷五

官制兵額

卷六

屯務

卷七

營務

卷八

庫儲

卷九

財賦

卷十

厥務

卷十一

邊衛

卷十二

外裔

欽定新疆識畧卷首

聖藻

洪惟我

國家疆宇日增版章孔厚

恢久安長治之規

綏柔遠能通之化新疆諸境自乾隆二十年初定準噶爾二十二年再定準噶爾二十四年平定回部

高宗純皇帝式廓西陲

威棱遠震凡天山斫壘黑水解圍壺漿篲食之來迎窖米樹丸之

助順以至渠魁授首絕域歸心凱宴袞辰郊臺

勞帥

搗鴻文以傳信彰我武之用揚而

西師之詩

開戒之論尤足光闡

廟謨昭示來許迨三十六年復有土爾扈特全部投誠

天覆地載渙勢聯情

標歸順之名

著優恤之記

特命勒碑伊犁以紀

天與人歸之實於是新疆底定垂於無窮

仁宗睿皇帝繼

志承

謨鑒於

成憲觀

光揚

烈率由

舊章屢

訓邊務以鎮靜爲本凡事咸守舊規

申明訓練廣闊旗屯

訓誨諄諄期於先養後教復

欽頒八旗箴

訓諭八旗簡明語

御製將軍箴

誠飭邊臣有加無已

臣恭逢

盛世承乏邊城疎陋自慙未諳掌故纂輯案牘類附成
書冀以敬謹遵行毋致隕越因溯廓清之始恭錄

聖藻於前益得仰見

聖明作述累洽重熙

謨烈顯承默傳

心法此不特新疆億萬年之休而四海康和益蒸蒸日上
矣皇乎盛哉

聖製詩

西師底定伊犁捷音至詩以述事

乘時命將定條枝

天佑人歸捷報馳無戰有征安絕域壺漿簞食迎去聲王師

據副將軍阿睦爾撒納等奏稱大兵至伊犁部衆持羊
酒迎犒者絡繹載道婦孺歡呼如出水火自出師以來
無血刃道緘之勞救
邊掃穴實古所未有

兩朝締構敢云繼百世寧綏有所思好雨優霑土宇拓敬

心那爲慰心移

阿玉錫歌

阿玉錫者伊何人準噶爾屬司牧臣其法獲罪應剉臂
何不卽斬犯厥尊徒步萬里來向化育之塞外

先朝恩

事在雍正十一年

薩拉爾來述其事云卽彼中勇絕淪持

銃迎面未及發直進手奪無逡巡召見賜銀擢侍衛卽

命先驅清漠塵我師直入定伊犁達瓦齊聚近萬軍鼓

其螳臂欲借一依山據淖爲營屯我兩將軍

阿睦爾撒納薩拉爾

重諮議以此衆戰玉石焚廟謨本欲安絕域捷伐毋乃

違皇仁健卒擒選二十二日阿玉錫統其羣曰巴圖濟

爾噶爾

去年投誠封郡王訥墨庫屬之章京也

及察哈什副以進

叶此

師至伊犁新
投誠之宰桑

阿玉錫喜曰固當

去聲

廿五人氣摩青旻街

枚夜襲覘賊向如萬祖父臨兒孫大聲策馬入敵壘厥
角披靡相躡奔降者六千五百騎阿玉錫手大纛率達
瓦齊攜近千騎馳走喋息嗟難存荆軻孟賁一夫勇徒
以藉甚人稱論神武有如阿玉錫知方亦復知報恩今
我作歌壯生色千秋以後斯人聞

雙烈詩

雙烈詩者例雙忠詩而作也昔駐藏都統傅清左都
御史拉布敦誅叛臣朱爾墨特訥木扎爾以人少力
微二臣死事然究能鋤元兇而安絕域故臨奠建祠

並有雙忠之詩以揚其勲去歲命定北將軍班第議
政大臣鄂容安駐伊犁時二臣既奏阿睦爾撒納有
反志朕命便宜從事庶幾消患未然乃二臣觀望疑
慮以致兔脫而賊黨反得結連赴約襲我軍營二臣
力不能敵捐軀沙場猶之死王事也一以勇決建績
一以徘徊僨事然而臨難致命奮不顧身有足哀者
今大兵旣靖伊犁逆賊窮蹙逃竄不日獻俘二臣靈
柩至京之日朕亦親臨醢奠並成是作雙烈云者蓋
不如雙忠之盡善矣

昔有傅介子手斬樓蘭頭通權建殊績芳名播千秋況

乎統三軍既悉彼逆酋一武夫之力何事仍夷猶逡巡
大軍徼偏師五百留彼梟有密約入覲中逗遛八月廿
五日三處共一謀阿睦爾撒納來阿爾台隙將合其部
衆挈妻孥以逃叶是則預有旨其妻孥盡收厥阿巴噶
斯斷我軍書郵克什木巴朗伊犁逞劫偷兩路如期發
猖狂肆叫諷叶蜂屯更蟻雜不可爬與梳叶二臣知不
敵全軍將內投而彼截歸路加以聚虬蟬巴朗謀致辭
權假爲我逮徐當備馬馳送之返皇州二臣怒唾罵天
朝無此輸効死視如歸背義生肯求奮旅更前進氣髮
衝兜鍪終知事不濟畢命飲屬饌叶問罪重整師豈辭

雪載途

叶阿睦爾散納叛後向謂事難成者皆以為

其得在此其失亦在此伊犁之衆不過一時附和終不

能人盡從彼若少延緩則叛賊又將別生變詐反失事

機因正承常恒怯退師之罰急趣西路軍帥剋

期進勦旋於今春直達伊犁逆賊失據奔竄

伊犁脅從寬厥尤一二助惡者

謂阿巴噶斯

克什木之流

繫虜皆虔

劉渠魁竄異域王師奮遐搜亦聞哈薩克縛獻深同讐

命求二臣骨靈輿返首邱臨奠例雙忠惜哉淚湧流初

若聽我言寧有今日不忠於國有濟烈惟已不渝叶究

匪貪生比使我悲心悠朱門歌舞輩青史文章儔我豈

為彼哉長歌旌乃休

舒布圖鎧巴圖魯奇徹布歌

千人萬人敵昔有亦惟能將資衆力一人奮勇敢二千

昔未前聞今始出其人曰惟奇徹布向爲侍衛備宿直

叶去歲從軍監包沁包沁之人乃通賊厄魯特呼噶爲

人也上年正月其宰桑阿克諸爾率衆二千餘人來附

逆賊阿睦爾撒納之亂包沁煽動闖出卡倫爲官軍所

殲來圍其帳欲肆害奇徹布曾無懼色徐腰囊韃手弓

箭出帳跨馬聲霹靂蟻聚叫譴羣近前應弦馘倒賊辟

易辟易復前恃其衆長槍火銃競相逼奇徹布且戰且

走得一柳林爲障翼賊人圍之凡數重恐自傷無施銃

隙持槍人亦弗敢進進被箭死屍橫路二千人各二千

心一人氣奪二千魄侵尋天暮衆西奔奇徹布歸奏殊

績賜金賜爵酬勤勞復請從師肯宴息舒布圖鎧巴圖
魯神勇之名汝應得荆軻孟賁匹夫豪日月燭火光應
熄我歌嘉爾豈徒然勗我八旗永爲式

三巴圖魯歌

巴圖魯者勇冠軍昔我旗人頗恒有近世以來殊不聞
蓋因太平日已久歲寒松柏見後凋當春何以殊榆柳
邇者西鄙屬用軍折衝咸欲効奔走舒布圖鎧已超羣
三巴圖魯亦赴赴其一額納伸去歲伊犁從將軍將軍
使彼詢事因單騎逕入衆賊羣左支右屈箭斃數人知
事不濟拔刀自刎期報君其一巴寧阿

讀作
麻韻

倉卒亂時

將軍前後護衛相蔽遮發無不中中無不死殺人如麻
將軍遣之出巴寧阿曰朝廷命官偷生安往耶力敵視
將軍盡節然後伏劍義烈真堪嘉二人旣死還復甦宰
桑巴礫得之壯其志養之數月我師再入方得歸軍牙
其一曰富錫爾將軍命之攜印以出歸帝里其奈賊人
擁蜂更屯蟻料不能出將印沉之水力戰受創命垂盡
伊犁喇嘛救之得不死故賜額納伸曰卓禮克圖巴圖
魯卓禮克圖者節義卓爾永不渝賜巴寧阿曰昆都爾
巴圖魯昆都爾者力敵萬人暇有餘賜富錫爾曰哈布
台巴圖魯哈布台者穿楊貫石技不殊迴思去歲迅功

金史卷一百一十五
成亡矢遺鏃夫何曾不期小醜逆志萌未能除蔓我一
卿乃致沙場雙捐生亦我坐謀遙未精嘉我旗人多忠
誠舊風未遠垂儀型愉以爲戚留定評乃至西海揚芳
聲

伊犁將軍奏土爾扈特汗渥巴錫率全部歸順詩以

誌事

有序

伊犁將軍伊勒圖等奏土爾扈特汗渥巴錫及其台
吉策伯克多爾濟並舍楞等率其部衆三萬餘戶來
歸先期遣使至伊犁具書通款自言爲阿玉奇汗正
系向居俄羅斯地久願爲大皇帝臣僕而無機可乘

乃於去冬謀去舊游牧挈屬內附因自彼逸出行程萬千有餘里閱半年餘始抵卡倫乞准令人覲以伸積誠渥巴錫等亦先後來至伊犁察其詞意懇切郵函以聞先是安泰奏偵知土爾扈特部內附信卽遣額駙色布騰巴爾珠爾往迎之今卽諭其偕渥巴錫等至山莊朝謁而舒赫德亦先所命由烏什馳往蒞其事者因令代伊勒圖爲將軍駐伊犁安輯新附之衆給以餼贍振其乏也授之牧地資其生也其汗及台吉宰桑至者將錫宴賚封爵秩而其部衆則量地分編以居聯其情亦渙其勢也蓋土爾扈特自入俄

羅斯遠阻聲教越今幾六七十年乾隆丙子秋其汗
敦嚕布喇什雖曾使人入貢第宴而遣之茲乃不藉
招致全部內屬誠有不期然而然者且準噶爾自底
定以來築城安屯無異中國郡縣今土爾扈特復隸
我藩屬於是四衛拉特之衆盡撫而有之可謂盛矣
然余履泰持盈之念彌以是爲兢兢序而系之以詩
紀實也其詳分注各句下此則毋庸覲縷矣

土爾扈特部昔汗阿玉奇今來渥巴錫

渥巴錫爲土爾
扈特汗阿玉奇

之孫敦嚕布
喇什汗子也

明背俄羅斯向化非招致頒恩應博施合

楞逃復返

平定伊犁時合楞會計害我副都統唐喀祿
逃匿俄羅斯彼時卽向索取而俄羅斯以土

爾扈特舊係彼屬竟不送還今合楞既棄彼來歸俄羅
斯卽向我求索亦有辭折之然莫若先以此意令與屬
傳報示知尤見彼亦合無辭
中國光明正大

衛拉昔相忌攜孥往海濱

準噶爾舊凡四部曰綽羅斯曰都爾伯特曰和碩特曰土

爾扈特爲四衛拉特策妄阿拉布坦時與土爾扈特構
釁其汗阿玉奇統全部西北去乃以輝特爲一衛拉特

而土爾扈特部

終焉懷故土遂爾棄殊倫

俄羅斯素不

特在彼俗尙不同知伊犁黃教振興因思還歸故土且
聞從前投誠之都爾伯特部在此得膺封爵樂業安居

遂棄其現居之額濟
勒游牧率屬內附

弗受將爲盜

初聞土爾扈特來歸之信議者或以合楞

前此負罪逃去不宜與衆同受其降余以彼既棄俄羅
斯而來若拒而弗納彼退無所歸必爲盜抄掠非所以
寧我邊圉且恐合楞不來同行之衆或疑畏不敢前殊
非善全之計若俟其既至執而罪之尤非所以昭威信
示懷徠也彼旣悔罪輸忱則宥其已往益足彰我寬仁
而衛拉全部莫非王臣亦從來未有之事又何必過爲

顧慮 俾安皆我民從今蒙古類無一不王臣

西師

西師歷四載王臣久于役誰無室家心而能忘契闊始緣趁機動操刀乃必割終以阻遠艱舉甚忌屢易欲罷又未能永言誌顛末

皇祖征朔漠卽此厄魯特三番整六師狼羣始窘迫策妄

退守巢于以延喙息取馘索賊子惟命無敢逆

噶爾丹兵敗仰

業死其子脫身逃竄時策妄阿拉布坦鼠伏厥後漸滋一隅畏威服德獻出逆屍不敢容留逆子

饒遂復劫西域策妄阿拉布坦逞其詐力勢漸強橫計誘拉藏汗以女妻其長子丹衷襲殺拉

藏汗大肆劫畧我師抵西藏其酋帥大策零敦多卜始引衆歸巢大策零敦多卜卽今達瓦齊之祖爲策妄族

兄終康熙年間蓋未止兵革

皇考闡

前猷思一勞永逸兩路命大舉帑藏非所惜究因時弗輳

勝敗互軒輊

雍正年間西北兩路駐兵賊以送還羅卜藏丹津爲名又值西帥入覲刼竊西路馬

羣因藉所獲馬力跳梁北路勢甚猖獗後爲額駙策楞擊敗於額爾德尼招幾至匹馬不返而將帥之臣按兵不追賊衆得以兔脫我曰子守武旣揚遂有罷兵之議

成訓罷兵事安戢稔知賊所恃其長有二術一曰激我怒

勞我衆遠出彼乃邀近功坐絀我物力一曰窺我邊列

候疲戍卒戍久心或懈彼乃逞陵軼知然明告彼以主

待其客遠兵旣罷征遠戍亦罷撥近邊汝或伺汝遠勞

竭蹶噶爾丹策凌聞言乃計詘得失故曉然求和使來

亟來亦弗之拒厚往示恩澤如是終彼身無事皆寧謐

其子曰阿占

即策妄多爾濟那木扎爾之乳名

暴虐莫可詰用是失衆

心相延爲篡奪喇嘛達爾濟戕彼位自襲達瓦齊攘之

計蓋由撒納

喇嘛達爾濟既篡阿占而奪其位達瓦齊偕阿睦爾撒納奔哈薩克藉其聲援復篡

喇嘛達爾濟皆阿睦爾撒納爲之謀畫蓋欲自取也

綽羅斯汗族達瓦齊一脉阿

睦爾撒納輝特別枝葉時慮衆鮮從以此綴旒設終不

忘伊犁

伊犁蓋四衛拉特會宗之地也

煽亂事狡譎達瓦齊弗甘兵連

禍相結惟時三策凌

都爾伯特台吉策凌策凌烏巴什策凌孟克恐禍及已率所部來降

避禍來投闕撒納旋亦歸寵遇厠班列熟籌如許衆雜

居喀爾喀如狼入羊羣幾不遭啗嚙就其力請師毋寧

授之鉞

阿睦爾撒納歸命乞師朕思機既可乘而新降多人若盡處我喀爾喀之地終非長策故定議

出師遂命阿睦爾撒納副將軍班第以往國家全盛時出帑儲胥挈會弗加

賦徭更未廢賑恤八旗及索倫勁旅多英傑其心盡忠

篤其技善撤振那如杜甫詩慘惻新婚別乙亥我出師

一矢曾未發五月大功成庶以慰

前烈而何狼子心飽揚去飄瞥留語啖衆狙倡亂動戈戟

致我二臣捐驛路肆唐突

阿逆潛蓄異謀於達瓦齊就擒大兵凱旋時卽流言脅衆

黨惡之徒倉猝變動班第鄂容安同時致命羣言益蜩

疆場賊衆紛紛四出竊占伊犁截斷臺路蟾無怪懦者怯欲棄巴里坤堅志斥其說整師重討叛

所向復無敵一二畏首尾乃致賊兔脫

大兵復進前徒倒戈阿逆衆叛

親離成擒在遁乃因將軍策楞叅贊玉保等

申命事窮

追大宛搜三窟於詐應以直殘喘命得乞

哈薩克汗阿布賚始意欲

留阿睦爾撒納大兵已壓其境相隔一谷

阿逆自度力

不能支因遣使詭辭稱哈薩克衆即欲擒獻

汗阿布賚未到乞暫緩師適以策楞獲罪命

將兵前往我兵以逆賊在目前爭欲進促而

以爲天朝當示大義彼既稱獻不宜加師力

阻衆兵徘徊觀望而賊得以棄載遠颺矣

宰桑勤王

者見此笑以竊遂生輕我心旋師反又忽

時呢嗎哈薩克錫拉皆已

授職從征見達爾黨阿爲賊所賣笑其無能

還復生變計與巴雅爾莽噶里克等密謀搆亂

以害將

起軍和計賺我和起奮勇沙場沒兆惠全師還則子命往

按將軍兆惠以孤軍遠駐伊犁聞呢嗎等作亂整師東

旋中途屢蹶逆衆值朕命侍衛圖倫楚等率師赴援

乃得振旅而歸抵巴里坤丁丑重問罪值彼互殘殺因緣撒納歸遇

我竄倉猝

諸將分南北兩路直指伊犁維時扎納噶爾

卜殺其叔綽羅斯汗噶爾藏多爾濟欲併其衆尋又為合吉達瓦所殺而獻其首軍門時阿睦爾納復自哈薩克逃回伊犁聚衆爭長突遇我師跳身遁

跡富德躡其後大宛徠汗血稱臣許捕寇寇更逃羅剎

富德追阿睦爾撒納適值哈薩克之兵而哈薩克畏我兵威稱臣貢馬且誓擒賊自效阿逆知不能免乃奔俄

羅斯俄羅斯一名羅義或曰羅剎或曰不必追或曰不必索或曰捐伊

犁築室謀紛汨北荒守和議真誅致賊骨伊犁倡亂流

大半就擒訖初議衆建侯為撫四衛拉二十一昂吉公

屬掄閱閱

準噶爾厄魯特又名四衛拉特部內有綽羅斯輝特和碩特都爾伯特四族各領其衆而

綽羅斯為長噶爾丹策凌時設二十一昂吉昂吉者部落之稱也為其汗公屬達瓦齊既執歸京師於四部各

封一汗而二十一昂吉則歸之公屬如是子奉
八旗蒙古然仍擇其世族宰桑輩長之

天道好生體

造物詎知彼孽深歷世不可活以其狙詐類誠如向所

每歲費衆養終亦背恩蔑是傷我脂膏而育彼羽翼不

如反之速掃蕩今將潔戮輸肆惡流三氏淪亡歇噶爾

爾濟被殺掉羅斯族珍誠無幾輝特汗巴雅爾亦以叛

逆誅殛和碩特汗沙克都爾滿濟心懷攜貳叅贊大臣

雅爾哈善詞知異謀餘都爾伯特始終守臣節所以至

殲之於巴里坤外今存耕牧安職殖其廿一宰桑非誅即病沒不善降百

殃此理愈昭晰謂禍乃成福致得每於失幸以免衆議

孰非

鴻佑錫設使司事者惟明更勇決萬全盡美善詎有小差

跌都大承平久軍旅誰經歷益因警宴安求全肯過刻

先是花門類雜種曰回鶻久屬準噶爾供役納稅秬稊

縻其和卓

噶爾丹策凌先以兵威迫脅回人執其酋長和卓拘繫於阿巴噶斯之部落以回民分隸

各昂吉下而役使之籠絡其臣妾我師定伊犁乃得釋縲紲我將

縱之歸撫衆許朝謁

和卓初聞大兵西伐獻款輸誠備極恭順我將軍班第等因縱還故

土俾撫馭其肉骨生死恩威應久不輟報德乃以怨轉

衆納賦執役面凶謀黥我將所遣使百人遇害劇

和卓歸故城後我將軍等差副都統

阿敏道率百人在會盟是皆奉上命守義遭梟兀苟不

報其讐何以勵忠赤厄魯今蕩平回部餘波蕞徒以守

堅城未可一時拔
賈勇誠易登傷衆
非所悅中夜披軍
書萬里遙籌策窮
荒信安用弦上矢
難遏志因繼

兩朝變豈防一切

蒼靈賴有成浮論
寧祛惑開邊竟無
已自問多慚德但
思文子言解嘲守
弗詩

托和飛行

我師攻圍賊庫車
臨衝第第四面羅
舊降伯克

同部中
宰桑

之伯

克爲我用其名鄂
對顯秩加

授職散
秩大臣

備知彼中之形

勢悉告將臣防周
遮托和飛

地名

通賽里木

地名

賊來援者

所必過爰遣達克
他那

藍翎侍
衛名

瞭遂見踪跡詳
寡多以

計誘賊賊遂至

達克他那叛行誘賊賊住亦住賊進則退遂引至近軍營處

請爲前

導勦賊寨發師順德訥

副都統領隊大臣

率往堂堂之陣誰逆

賊不自量犯兩翼兩翼飛馳張鶴鷺長箭大礮如雨
下狂回奔亂氣消磨填溝受殺敢迴顧血流漂杵時無
何勦賊二千四百餘傷我十數忠堪嘉是爲征回第一
戰遂叨

天佑威荒遐軍書日馳六百里奏函夜至披衣視賜官錫
祿酬庸勲克城更待頒恩旨討逆伐罪非得已鯨鯢京
觀豈所喜

和落霍漸行

今春我師勦逆夷首戰實和落霍漸斬將搃旗早報捷
酬勞頒賚已有差卽今生解俘囚至曰惺緒特宰桑伊
散秩大臣曾授職乃敢倡亂如鴟鴞面詢彼所致敗故
咋舌惟歎天奪其彼衆猶有千餘騎覘知我寡設計奇
輜重遠行誘我逐層層伏賊據險熾官軍四百始馳至
少騎示弱山之陁我進彼乃蠶漏集銃礮如雨循環施
我軍曾無一傷者百靈擁護信有之衝鋒突入矢齊發
賊乃喪膽紛離披鹿墜隴種各迷命大鞞大膊張軍威
殲彼屍僵近四百負傷遁者數無訾是誠

天助額手慶奮勇要亦資人爲問率軍者其人誰超勇親

王家聲貽將軍車布登扎布爲超勇親王額駙策楞之子其兄成袞扎布襲封親王車布登扎布以

奮勇著績爵封郡王亦賜號超勇

軍書

軍書羽述至謂喜顧生恨言志兼紀事顛末必傳信先

是奉回纥將謂賊渠遁茲因沙雅降

雅爾哈善等先以迎勦霍集占殲衆

奉旗回首免脫奏報至是沙雅爾城回長阿三和卓木乞降錄其供詞始將霍集占敗入庫車潰圍不得出後乘黃夜遁去諸將並未追擒情節歷歷敘明伯克親詳訊始知霍集占來救

庫車困爲我軍所截入城欲伺曩合力旋突出被遮復挫輟乃率四百騎夜出身免愁咄哉堪扼腕選將吾未慎失機有如此是豈疎防僅譬鴟自投羅解放翻成客

夷考自軍興誤事率臣盡徒憐諸士卒奮勇冒白刃賴
天雖有成決策屢多問自責不知人違敢弛國憲

烏什城酋長霍集斯伯克搆回眾獻城降詩以紀事

執渠早是被恩榮

先是達五齊自格登窮竄霍集斯畏伯克奉軍檄設計縛獻錄功褒賞畏

逼還隨尙近情

霍集斯伯克與小和卓木均係回目識特爲所強僣因附和觀釁罪在可宥識

順料伊將倒戟

嘗與軍機大臣籌畫軍情曾諭及霍集斯伯克有擒獻達五齊一節我軍至其

地彼或降順比大兵既近伊果筵款小和卓木

剪凶匪

我願佳兵申明昧雉霜嚴令

庫車之圍逆酋陞手就獲而失律者貽誤因命將軍

兆惠往代就塗失執失律疊見牽羊肉袒迎

之臣明示顯戮軍威大振

天佑人歸逮底績越因兢業稟虧盈

我師

我師萬里外馬力實難繼況深入賊巢主客勢誠異以

此被所圍固守鼓衆氣豈忍罪輕進惟獎勤王事

上年十月

十三日之役將軍兆惠直薄葉爾羌城僅以四百餘人衝勦賊衆二萬餘又道遠馬乏猝有挫衄然深溝高壘悉力持守賊不敢犯其果銳沉毅有大過人者若輒以倖試爲著議將徒快懦夫首鼠之論何以勵將集事是以屢詔褒勉而趣再三督援師速進以接濟亦不待督諸軍刻日赴援

賁敵愾人同勵

參贊尙書舒赫德於阿克蘇先簡駐城銳卒並督諸路兵先至者星馳往營而

將軍伯富德等所統滿洲索倫察哈爾及綠旗營兵取道雲集叅贊公阿里衮以次解馬濟師一時軍聲士氣益振屈指數上居諸兵應臨彼地爭勝在俯仰所關信

非細中夜不安寢亟盼佳音至忽傳驛致章秉燭披衣

視川鏖戰五日夜斬將擐旗幟副將軍富德叅贊及軍

士

同心成巨功殲賊數千騎

富德報至稱本年正月

滿地方遇賊騎五千麾衆夾擊轉戰五日四夜會叅贊

阿里袞督解馬匹亦至分翼斫陣賊衆創潰戮賊千餘

人餘悉負傷敗竄而逆酋大和卓木脇中

已近將軍營

鋒傷賊衆昇之入城且潛回喀什噶爾矣

通信卒遣四乃時將軍兆惠營中聞鎗礮聲知援兵已至

餘人生擒五十餘人獲器械無算並遣索倫同

兵各二人自軍門持牘相聞富德因附以入奏頑回百

計攻官軍一意備以此歷三月無恙皆寧謐

舒赫德先是

兆惠檄取援兵劄云營中有餘糧可支二三月爲堅壁

計自後回首或用雲梯或用決水皆爲我兵先覺應手

破之而營中繕備益嚴故困守雖逾時而人皆有相商

固志至是馳報自將軍下逮介士並整暇如故云

夾擊策一舉期功遂四月寤寐榮今朝始慶慰殷心念

衆勞額手咸

天賜佇待捷音馳國朝威遠被

黑水行

喀喇烏蘇者唐言黑水同去年我軍薄回穴强弩之末
難稱雄築壘黑水待圍解詎人力也

天帡幪明瑞馳驛踰月到

毅勇承恩公明瑞 孝賢皇后姪也命以副都統領兵行間爲

前鋒召回京問以被圍情狀自葉爾羌抵京路萬五千里疾馳踰月而至面詢其故悚予衷

蜂蟻張甄數無萬三千餘人守從容審米濟軍軍氣壯

矣肯麥麴山鞠翦引水灌我我預備

逆同導渠淹我營壘將軍兆惠等預

開溝引之入河且轉資其用

反資衆飲用益豐銃不中

去聲人中營樹

欽定新疆識畧

卷首

七

何至析骸薪材充著木銃鐵獲萬億賊據高施銃鉛丸全集營樹上我軍
斫木爲薪木中得鉛丸萬億卽取以擊賊斃賊無算翻以擊賊賊計窮先是營內
所穿井圍將解乃智其中聞言爲之悵諸臣實鞠躬旣
復爲之感

天眷信深崇敬讀

皇祖寶錄語所載曾聞我

太宗時明四總兵來戰正值大霧彌濛
敵施火礮樹皆燬都統艾塔往視攻回奏敵礮止傷樹我兵曾無傷矢
弓匪今伊

昔蒙

帝佑觀揚

前烈勵予冲詎人力也

天帡幪大清寰海欽皇風

和闐賊遁詩以誌事

并序

和闐爲回部扼要重地所屬六城曰伊里齊哈拉哈
什玉隴哈什齊喇塔克克里雅而統名之曰和闐先
是將軍兆惠遣侍衛齊凌扎布噶布舒及回長鄂對
伯克等往招歸順繼大軍被圍小和卓木遣賊黨往
攻和闐齊凌扎布噶布舒等分守伊里齊哈拉哈什
玉隴哈什三城百計抵禦以待援師其餘三城力不

能支復叛降賊兆惠等解圍之後卽遣副都統巴圖
濟爾哈爾瑚爾起等分兵馳救望見賊營時值大霧
彌漫我師乘勢奮勇直前衝擊殲其渠魁阿布都海
里克及和集雅斯二人鄂斯滿被創竄去餘賊悉遁
和闐得以解圍其三城仍卽撫定

傳檄曾聞定六城狂且怒臂致加兵力軍三堡重

去聲反

覆

伊里齊哈拉哈什玉隴哈什被圍時齊喇塔克克里雅城內降同度守禦單弱不能自存隨復叛從賊

計守十旬實勇誠產玉河邊遁敵騎採花沙上識王旌
古稱羊侃斯爲盛何吝嘉勤爵賞行

博羅齊行

博羅齊者鄰和闐賊回據險偵我軍先是圍解黑水困

元戎遣救掄二臣

去冬將軍兆惠兵逼葉爾羌特勇徑渡葉爾羌河以衆寡不敵爲賊所困

乃築柵黑水之地相持累月小和卓木乘間遣賊黨往

圍和闐六城已失其三逮副將軍富德統兵應援與兆

惠夾擊破賊圍解之後兆惠與諸將集議遣副都統瑚爾起及巴圖濟爾哈爾率偏師馳救和闐

瑚爾起吉林舊族世受恩一巴圖濟爾哈爾乃厄魯特

宰桑其勇誠超羣同心協力速赴援率軍數不能盈千

途歷戈壁不毛之地負甲步進無俄延哈拉哈什已垂

陷齊凌扎布馳來言夜急行至伊里齊時賊望風先逃

奔集兵拯哈拉哈什賴

天大霧彌漫漫乘霧直搗賊營後伺怠奮勇攻中堅斬將

舉旗獲輜重孤城恢復餘俱安昔薛延陀贈神能致雪

冀困李勣終乃自敝焉此霧或亦敵鮮答

西域習咒術者能禁制作

使風雲雨雪霜
霧名為鮮答

翻為我用成功全易云

天所助者順向猶未信今信然持盈知足感

帝佑敢肆志詡能開邊

墨爾根巴圖魯瑪瑞斫陣歌

乙亥以來有事戎賴我衆力成膚功重賞之下多勇士

捨身圖報羣輸忠舒布圖鎧實巨擘三巴圖魯繼厥踪

見丙子
集中

後乃不可屈指數就中瑪瑞尤稱雄經卅餘戰

皆首出舉旗斬將誰爭鋒鐵騎憑陵諸鄂拓

準夷部肅
落名

清伊犁揚英風今春我軍急進援富德率軍如羆熊焉

瑞命領塗路首

蒙古語先鋒探信者

呼爾瑞處賊迎攻堂堂之陣

賊辟易瑞乃獨進躡寇窮金鞭連策大宛馬繡螯不用
用雕弓一箭正中賊要害再箭倉卒乃落空三箭終殪
賊墮馬忽忘身入賊隊中蜂屯蟻雜齊擁簇瑞之馬斃
倒沙蓬捨馬步戰短兵接叱咤凌厲氣如虹我軍隨進
瑞乃出檢傷十處中去聲其躬以帛裹傷明復戰義膽自
有神帡幪花門降胡咋舌歎如此超勇聞何從將軍一
一據實奏不奇其勇憐其衷設非立志忠且壯安能効
命功名崇馳驛令歸不可再嫖姚賜第今堪同席前備

陳墮涕聽厚資覺未酬勲庸仍歸禁旅領宿衛命為護軍統領
若無義勛搗謙冲古來歸奏未央殿却問天子不召見

喀什噶爾回衆投誠詩以紀事

今春圍解黑水營

黑水即喀喇烏蘇地近葉爾羌去冬將軍兆惠等築壘固守處也

全

師廻阿克蘇城賊不敢遮亦不綴彼力創竭足堪徵北

塞調馬往二萬益以索倫之勁兵以布易回粟供餉回人

以布為珍用兵駐阿克蘇時命轉餉者運以易粟騰軍省費三十餘萬復勅內部就產布各省採解不以煩甘

涼以被數月休息胥飽騰整師兩路一時進殲渠務使

回衆寧

同酋兄弟分處兩城枝梧策應命將軍兆惠等由烏什往喀什噶爾富德等由和闐往葉爾羌

帥兵同時並進令其首尾不救以期俘獲屈指此際壓賊境又盼佳信夙夜

榮朝來驛致將軍奏兆惠報回衆投誠拆封披摺一詳

覽歷歷都悉軍前情進至伊克斯哈拉

地名將軍兆惠進兵攻喀什噶

爾閏六月初三日行至此地

前隊中夜聞人行

參贊公明瑞於前隊畧地夜聞入騎進圍

蹴之詢得喀什噶爾同人和齊默爾等六人同聲納降云云

奮勇圍捉喊勿殺是投

誠者來相迎久慕歸順大皇帝奈脅霍集占弟兄大和

卓木今肆掠想同伊弟潛逃生舊伯克等差我輩願師

速往揚威聲馬驢牛羊被擄去欲追擒彼嗟無能懇願

將軍早赴援庶和卓木未遠征兆惠悉此率兵進通信

富德同謀誠

來降回衆云其屬方分投兩路軍門時兆惠聞信即移知富德軍以便協謀乘勢進

取相機持重慮賊詐

兆惠奏言同人情詞雖無可疑而受降如受敵兩軍並加意慎重以

防說計甚

更慰萬里繫念忤四大回城三已得

喀什噶爾為逆

首大和卓木窟穴其城更大於先得之烏什阿

遊魂金

克蘇二城今已欽降所餘僅葉爾羌一大城矣

底焉支撐斷其左臂固美事不無少恨煩懷仍使波羅

泥都

大和卓木名也就獲以之餌彼弟或聽乃先兵至早跳去

復需時日勞軍偵二魁俘虜靖遐壤靜俟

天佑歌武成

固濟爾巴圖魯瑞綽爾圖盡節詩

瑞綽爾圖者索倫侍衛員曾以血戰功因賜號旌賢

瑞綽

爾圖於乾隆二十一年冬隨大兵進勦阿

固濟爾何謂

睦爾撒納與哈薩克力戰有功特賜是號

喀什

敢勇能摧堅亦云其勇耳大節乃炳然兆惠定回城

噶驛章一一宣云有瑪穆特被回擄去年其人厄魯特

隨軍旣役焉將軍遣偵騎彼亦隨往旃

時將軍遣散秩大臣達什策楞

及滿綽爾圖莫寧察岱屯等率兵百人前行捉生口瑪穆特莫寧察旣養也

忽被賊回遮衆

寡敵實難矢盡守空屋奮突揮以拳莫寧察戰沒岱屯

命亦捐滿綽爾圖在傷重飲劍艱猝被生縛去至霍集

占前卓立唾賊罵裂背髮衝冠巴圖魯侍衛豈懼爾狂

獬天兵今少至數萬繼進連以千敵爾萬汝滅踵不旋

霍集占乃怒持刀向頸刺其達什策楞同時遭繫牽霍

集占忿詈爾厄魯特人

叶

脣齒應相依何受中國官鐵

鉤鉤四肢其死最可憐是皆所親見飾語敢取愆徒以

無足數旦夕命苟延渠逃定回城乃復得見天兆惠聞
此語既悅繼涕漣悅以我有人涕以已所遣叶據實歷
詳陳痛淚不忍看心與帥臣同恩加寧惜駢璚綽兩圖
旨勅部照陣亡例賜卹今悉其死事等前已有
英烈狀復命察其子嗣優加恩卹爲齒睢陽張爲舌
常山顏古有今豈無詩錄其人傳

雙義詩 有序

副將軍富德至葉爾羌既定回城痛去歲將士之沒
於王事暴骨沙場爲之築墳表墓因以奏聞蓋隨將
軍兆惠力守者固已無恙而旁出捉生及在途值賊
者猝致捐軀實出逆料時則納木扎爾三泰適以奉

差而往遇難而殉此雙義之詩所由作也夫雙忠戡
亂於無形雙烈表節於有北今之雙義亦復炳然此
皆我八旗世臣與國同休戚者在諸人含笑九泉已
知世祿之必被而朕捫心午夜奚啻手足之如傷用
兵旣非得已盡節豈所樂聞且卽此役而言非生擒
二酋何以雪我三軍之恨哉然旣建大業寧免微疵
卽走卒厠養頗切同仇則知我國家豢養旗人萬年
鞏固之基而非周秦漢唐一興兵而天下繹騷怨聲
載道者比此又朕所慶幸者夫

雙忠昔集事雙烈能忘身

二事皆見前集

茲作雙義詩其故得

細陳曰納木扎爾曾贊北路軍奮勇剪逆賊封伯酬其

勲納木扎爾先以都統參贊北路軍務會擒喀爾喀叛逆青滾雜卜論功加封伯爵副都統三

泰英氣頗超人均御前侍衛素悉厥忠純兆惠富德輩

從戎久効勤欲代俾將母將軍兆惠富德母俱年高比歲領軍討賊故特簡二臣往

代之二臣被選掄去歲黑水役前事見固守遣索倫致信愛

隆阿權退催後援可支百日間速進莫逡巡將軍兆惠等猝被賊

遮時愛隆阿拒河駐後將軍兆惠自圍中遣索倫二人問道傳語大兵未集可速迴阿克蘇俟後軍一齊進援

將軍及參贊輕進徒俱焚當待師並來何慮狂狙信授時

納木扎爾為靖逆將軍三泰為參贊大臣爾時二臣者之信兆惠已知之故亦令暫迴以俟後軍

馳驛往軍門過愛隆阿營却近黑水濱所遣人未遇礮

聲前忽聞知賊與我戰聞戰恥退奔徒攜百餘騎赴義
命同捐叶凶信驛遞來痛淚傷心魂使早知拒守退俟
熊羆羣同進可樹功何致均沉淪卽先至一日合兆惠
軍屯亦可旋今歲奚煩以身殉叶不前復不後此實若
有神富德自和閩重至黑水津葉爾奇木降諸事粗處
分痛念我將士沙場化爲燐黃頭雖不備掩骼權爲墳
猿鶴昔屬幻邱隴今可循因以此事奏西望揮淚頻豐
碑旌墓門千秋西海垠捐軀固臣節在爾非所論在子
則何忍此恨終當伸夷考六人蹟事異心同均與國休
戚共寧止曰蓋臣史筆多訛傳永言傳其真

副將軍富德等追及兩和卓木大勝回軍捷音至作

歌紀事

慶霄對月方開筵將軍捷報驛騎傳擘囊展書歷歷閱
額手慶慰衷心憐憐者我衆實奮力慰者呵護惟賴

天萬有餘里所致馬

軍營解馬自內地至肅州遠者已四
五千里其自肅州至察汗烏蘇又萬

餘里而山間繞道崎嶇屢
經戈壁均未得飢秣稍休又踰戈壁無水泉裏糧追賊

幸尾及彼逃乃在廿日前

逆酋兩和卓木襲我軍威於
大兵未至葉爾羌喀什噶爾

二十日之前明瑞先已折其角未經大創猶抗顏

先是
衆贊

已離巢遠竄
公明瑞襲賊於霍斯庫魯克嶺轉戰三時擒斬賊衆甚
夥乘勝追擊軍聲大振會日晚我兵馬力不及賊復以
其殘衆
竄去阿爾楚爾列賊衆避其輜重伏據山輕舉墮術

在所戒集思持重勝算先時逆首方設伏於兩山峯嶺

校計副將軍富德知之與參贊大偏伍彌縫密佈置發

臣等集議營陣攻取不恃勇輕進

縱指使皆英賢副將軍富德與霍集斯等統中軍令參贊公明瑞阿桂等領左翼參贊阿里袞

巴祿等領右翼翼之中各分前中後隊又益以奇兵援

兵隊各為二別遣巴圖魯侍衛額爾登額等分率巴圖

魯兵二隊備四面應援而領隊齊凌扎諸大臣均予心

布為殿軍將卒如臂指相維佈置實當

膂巴圖魯侍衛比肩夙所教養共休戚敵愾兼逮輿僮

焉是役雖僕隸無不共奮義勇同心戮力功克就二豎鼠竄圖苟延

戰罷檢閱傷一卒殲彼計級乃盈千師難到葉爾奇木

況過數千里行過以少勝衆剪賊黨明瑞既以前鋒九百擊敗賊衆六千

茲役也我兵馬步統計不過三千人勦逆同四千餘衆

擒斬者已過其四之一而助逆渠魁如阿布都克勒木

大斤量鐵界

卷五

三

等大伯克數十人並臨陣國威赫濯揚天邊優敘未足

酬勞績捷奏至並有旨從優議敘猶念將軍參贊等殫

加曠桂觴欲泛還罷旃百年養士今獲效

祖宗福蔭貽萬年佇待俘虜到露布西師之役方稱全西

師之役方稱全行張凱宴勞凱旋

副將軍富德奏報拔達山汗素爾坦沙獻逆賊霍集

占首級並以全部納款稱臣信至詩以誌事

采入殲渠逃望風情知三窟已途窮嘉茲識早獻誠順

笑彼悔遲跋扈雄和眾永看兩部定成功速在五年中

西師之役始於乙亥春準噶爾汗達瓦齊即於是秋就擒各部款附嗣是辦理同部收城服眾距今逆首授首

統計歲事
未踰五年

天恩如此昭優賥保泰彌殷慎勅躬

御午門受俘馘

函首霍占來月竈傾心素坦欵天閭理官淑問寧須試
驃騎窮追實可臧西海永清武保定午門三御典昭詳
從今更願無斯事休養吾民共樂康

二月廿七日郊勞出征將軍兆惠富德及諸將士禮
成紀事

京縣郊南親勞軍

圓壇陳

蘇謝成勲出師本意聊嘗試

西陲之役始以厄魯特諸台吉率衆欵附請兵甚力我喀

爾喀牧圉勢不可以錯處滋患無寧及其鋒而偏師嘗

試特計囚其地以撫之故

禡旗命將之典槩未舉行

語具乙亥告成碑記茲準夷既平而同中諸部以次戡

定寶荷上蒼宗社鴻庥非敢謂先時逆觀及

也此奏凱今朝備禮文釋甲弢戈罷征伐論功行賞策忠

勤膝前抱見詢經歷

國朝舊制凡出征將領成功還者行抱膝跪見禮以示優異今卽遵

行一瞬五年咸以欣

同心萬里那睽違畢竟歡言賦采薇勇將歸來兼福將

黻衣著得解戎衣漫稱偃武修文日恐卽嬉文恬武機

飲至寧誇暢和樂持盈益勵慎幾微

上巳日凱宴成功諸將士

有序

筵開飲至剛逢祓飲之辰苑啟瀛臺怡奏濛濛之積
於時上公晉竚青郊解甲初還蕃長敷茵黃幄纏頭
列侍宮懸陳百部將回中樂府齊登錫爵遍三巡以
閣上圖形爲次詎因詔挾纊投醪之惠期得抒推心
造膝之忱且食刀闕璧偕來包匭宜酬其效順而紫
綺朱提並賚簽名合第彼成勞從茲凱宴遐宣足使
天堂知樂是用寅承永切毋忘月朏依光非矜七德
升歌爰藉八章紀實

出勞嘉勲葳禮旋昇平凱宴液池孺闡疆掃逆誠資衆
助順成功總賴

天策績林林恩予厚詢勞一一命來前寧惟云不重生望
祇覺迴思越悚然

日麗風和春未深獎庸備禮有壬林試看偃伯靈臺上
詎數流觴曲水濔命預綺筵排伯克也陳夷樂奏任禁
笑聆蜀技無情者那覺西悲動乃心

圓幕高張榆柳垂犒筵喜值禊修時策勲舍爵竟今日
鬯武書常允不期誰擬浯溪泐崖頌我歌靈夏出車詩
紫光將晝凌烟像西師蕞成大功自元臣及在事將軍
叅贊禁衛統領諸臣第其勲績懋著
者命工圖形紫
光閣以崇獎勸穆棣同叨

乾貺貽

成功將士錦衣旋日月光輝軍氣燭藉我虎臣典宿衛

笑他杯酒解兵權

將軍兆惠副將軍富德既以酬席晉爵均命為御前領侍衛大臣宋藝祖

權術駕馭夙所鄙故戲及之

八旗子弟心如石萬禩國朝龍荷

天宣看瘡癥猶未愈

三等侍衛緯克圖巴圖魯恩特驍勇過人臨陣不避鋒鏑今預宴賜酒時

撫其額傷猶未痊復為之惻然能無一體恫瘝連

柳舒花放正良辰上日前期福履申

三月三日為上巳然是日始戊申故

云卸甲輟弓盡鳧藻凹晴豐額集魚鱗千秋難遇太平

宴百戰歸來義勇身獨憶儲胥宣力者

故大學士黃廷桂綜理軍儲調

遣諸務備殫忠勤未及武成溢焉先逝故前賜詩有奪我賢臣何太劇不教留看凱歌迴之句凱迴未

見惜斯人

敦瓜烝果允堪憐二萬何期竟拓邊遠愧周王興六月
遲過殷帝克三年依楊霏雪凡經幾立幟登弧盡陷堅
此日征夫真邁止皇州春滿七條絃

拔達山人獻馘歸三軍飲至藹晴暉勞心幸我紆宵旰

公道憑伊論是非紫綺朱提頒渥澤前歌後舞迂鴻機

歡來憶不同來者

軍興以來我大臣將弁等咸以憂
自奮其間有遇阿逆之叛如將軍公

班第叅贊伯鄂容安遇噶爾藏多爾濟等之叛如寧夏
將軍和起而追色楞之逃者如副都統唐喀祿誤聽少
拉斯嗎唬斯之詐者如都統滿福至遇同酋和卓木之
叛如副都統阿敏道前鋒統領鄂實副都統三格侍衛
特通額總兵高天喜而奉命在途猝遇亂賊如將軍伯
納木扎爾叅贊侍郎三泰其巴圖魯侍衛中之奇徹布
吧凌阿寧古禮富錫爾瑞綽爾圖等並能以死勤事秉
節捐軀難加恩優予旌卹而當功成飲至時退念義烈

炳然尤不勞爵手持淚暗揮
勝雪涕云

芳節延禧淑氣清禋歌聲是凱歌聲元戎允合躬承袞
勇校均教手賜觥藉衆力茲疆地戒勅予心永奉

天行從來悟得受招理虔輦流謙慎捧盈

紫光閣寫功臣像及諸戰圖畢集讌落成發賦六韻

仍疊四章

有序

勲標偃伯烟銷濛汜之氛蹟炳圖形雲擁趨陂之勝
時則掄偉績而系贊先教褒鄂傳神逮一善亦臚名
乃屬鄒枚紀實匪詡天經地緯恰符五數之重真逾
漢史唐書能覲百賢之萃且聚米狀山川阨塞壁間

八陣常存而列星占旌纛飛揚磧裏參旂盡掃試按
昇平王會詎惟萬里而遙爲思宵旰軍書何幸五年
式集昨者歸而飲至行觴趁上巳良辰茲焉落以慶
成展席繼先庚嘉宴凡在股肱心膂藉國家翊運多
才應知竹帛旂常承

天

祖垂庥永靖維億載綏遐有象已被丹青予一人持滿彌
殷長鑄金石

閣就勝朝址

見日下舊聞

圖標昭代勲格勲虞帝羽數過漢

時雲

閣中圖功臣像勲績顯著者五十人朕親製題贊
餘命儒臣擬爲者又五十人視雲臺二十八將不

舊倍
從

天造無私佑諸臣實盡勤五年勞突將此日幸休軍有覺

上林表斯干液水漬落成緣戢武錫宴重

去聲

摛文

建置惟旌績運籌匪詡勲永期紀勞動寧爲

去聲

賞烟雲

保大

天垂貺開遐予敢勤帑原出內庫督未命將軍掄武駐冬

日每科武殿試例於閣下校閱騎射及諸技勇 慶成臨沼漬詰戎求

世德

寶訓揭鴻文

恭讀

太宗

聖祖

世宗實錄中

以昭

彝訓

伊犁征不戰五月已成勲將謂業安石誰知事幻雲驅
馳常厯遠肇畫不辭勤最恨庫車轍深虞黑水軍

事均見歷

年詩轉旋叨

吳緯仍執竟淮濱始末親籌筆其觀勒壁文

經畫西師前後所製詩文

於成功端委運籌次第綜業刻石壁間示誌實也

衛拉勞

前列

厄魯特舊謂之四衛拉特

重華與

放勲敢云成不日惟凜望

如雲載先

去聲

傳柑宴允嘉荷戟勤歸春舞干旅洗雨伏波

軍風嫩中和樂永酥太液瀆麇歌鴛鴦侶可以共論文

戰圖補詠六首

有序

西師定功於己卯越七年丙戌戰圖始成因詳詢軍
營征戰形勢以及結構丹青有需時日也夫我將士
出百死一生爲國宣力賴以有成而使其氓滅無聞
朕豈忍爲哉是以紫光閣旣勒有功臣之像而此則
各就血戰之地繪其攻堅斫銳斬將擐旗實蹟以旌
厥勞而表厥勇爾時披露布已有成詠者卽書之幀
間其未經點筆者茲特補詠凡六事禮不云乎聽鼓
鼙之聲則思將帥之臣撫是圖也有不啻若彼之威

先是宵旰勤勞雖日神馳於連營列陣之間此則目擊心存竟如指揮諸將士於折衝禦侮之際而痛定之懼子惟益欽

天眷於無窮凜月盈於有永遑敢自詡坐謀伐赫濯而忘兢業哉

鄂壘扎拉圖之戰

丙子冬將軍兆惠聞準噶爾宰桑等煽亂自濟爾哈朗移兵甫至鄂壘扎拉圖突遇達什策凌等賊衆無算因乘其不備夜出衝殺殲千餘人爾時噶爾藏多爾濟扎那噶爾布等渠酋會兵邀歸路連戰不退兆

惠等且守且進適朕所遣圖倫楚等援兵至并力夾擊賊始解圍遁去我軍全隊廻至巴里坤

以誠馭詐致相輕阿逆竄跡哈薩克勢將就縛乃以誘兵待獻遂失事會而厄魯特宰桑之從哈薩纔廻譎變征者既心輕將帥所爲因復同謀變亂駐兵濟爾哈朗生戊巳駐營攜少卒時兆惠爲副將軍駐守伊犁等處而巳猝值叛賊全集因螳螂怒倚阻前程直何畏曲中宵以少擊衆全軍而出出一可當千衆賊驚竟得全師逢接騎整軍復一大功成

庫隴癸之戰

庫隴癸附近伊犁我師三入勦賊時叛黨昂克圖塔

爾巴等四宰桑據險藏匿兆惠所率將士纔八十餘人夜進山口鏖戰時曉霧迷漫布圖庫特克爾得克二宰桑脫身跳去其餘悉被斬獲時戊寅三月十六日也

威弧有事射天狼三穴窮追那許藏鋌險賊人雖鼠竄擣虛士氣正鷹揚五更直襲屯營寨兩騎先收牧馬羊兆惠於奪險攻賊時分遣侍衛扎延保投誠厄魯特達什車楞二人收其牧羣以故賊不能脫以少勝多張捷伐將軍誠勇著旂常

通古思魯克之戰

霍集占兄弟負恩各據城反將軍兆惠既定庫車烏

什等城遂直抵葉爾羌蒲城南賊衆馬步二萬餘兆
惠所領兵不過三千率以渡黑水河者纔五百騎迎
敵血戰適喀什噶爾賊黨復至我軍遂結營固守經
冬涉春已卯正月援兵繼進克敵奏功故繪通古思
魯克之戰以紀攻伐葉爾羌回城初交遇險之始事
云

兩回首昔困莎車得地忘恩應去聲剪除赤翟鋒屯助白

翟僑如狼顧庇榮如渡河騎率五百耳背郭賊將二萬

餘守壘竟同援兵返時副將軍富德奉命領兵在道因

命速進赴援而參贊大臣阿里衮

所解巴里坤馬亦刻期至軍營遂大敗賊人兆惠

等全軍以出然計我師掘壕守險已及百日矣忠誠

迴憶益欷歔

霍斯庫魯克之戰

逆酋因葉爾羌喀什噶爾旣破失其巢窟悉衆逃竄
叅贊大臣公明瑞於閏六月十五日選兵邀截偵知
兩酋暫息塞爾古勒是地爲去拔達克山安集延兩
處之要路時二酋欲赴拔達克山而賊之衆伯克等
欲赴安集延商議未定我兵悉力窮追至霍斯庫魯
克賊避其輜重婦孺以六千人登山成列我軍先至
者九百騎卽奮勇仰攻轉戰三時斬馘數百俘其男
婦駝馬賊遂轉向拔達克山一路而逃明瑞仍督兵

追躡後會副將軍富德等軍有阿爾楚爾伊西洱庫爾淖爾等處之戰

回城既定進追兇雙耳山前竄跡逢

同語霍斯庫魯克者華言雙耳也

賊已六千橫據嶺兵纔九百仰攻峯遮回安集延逃路直躡拔達平山去蹤將卒同心奮敵愾千秋國史勒勲

庸

阿爾楚爾之戰

二酋於霍斯庫魯克爲明瑞所創懼我師勇銳難當設伏於阿爾楚爾兩山峯頂以待我師時富德明瑞等軍皆合諸大臣集議衆寡相殊彼又先據險要非

整旅結陣難出萬全因以健銳營火器當其中堅更張兩翼設奇兵統計以三千之衆克敵致果所傷者一卒殺賊至千餘人陣斬其大伯克數十賊始披靡逃竄急追蹙之遂及之於伊西洱庫爾淖爾

霍斯庫爾遁餘魂合旅窮追玉水源蕃部勤王隨契苾時布魯特皆隨軍爲嚮導旗軍勵志定堅昆蚩尤所恃倚重險風后宛同握八門健銳營兵精火器雪山倏作陸渾原

伊西洱庫爾淖爾之戰

我師乘勝追賊七月十一日抵伊西洱庫爾賊復據山阻水此地山高石危淖爾緣邊僅容單騎大和卓

木波羅泥都先據山嶺爲往拔達克山之計小和卓
木霍集占以衆賊阻絕淖爾隘口與我對敵我兵分
布攻擊豎纛招降衆賊跳崖丐命阻水者蹂躪淤泥
中霍集占止之不能遂奪馬繞山會其兄遁往拔達
克山我軍直壓其境索取賊魁自是之後兵不血刃
矣

三交三勝武貔雄

霍斯庫魯克阿爾楚爾及
此凡三戰皆以少勝衆

黠鼠徒嗟

五技窮一綫沿溪進魚貫千尋列嶂突蠶叢遊魂金底
雖潛脫馳檄天邊竟定功歲事追思臨事慎持盈永以
勵深衷

烏什戰圖補詠

有序

自庚辰西師凱旋之後伊犁則築城墾野回部則減
賦薄徵視地之大小險夷各駐以大臣戍以兵卒宴
然無事矣越五年乙酉而有烏什之變烏什者介於
阿克蘇喀什噶爾之間爲回部適中之地依山爲城
有險可恃田肥饒水充足又有牧場可滋長馬牛羊
故變亂之後逆賊守至六越月始食盡力窮縛其酋
以獻於是誅戮其精壯遷徙其婦稚凡烏什之城及
其所附村落皆爲官有駐以大臣戍以兵卒如前制
而更申明紀律焉夫烏什固據形勝得扼吭振臂之

勢而宜厚駐我兵以鎮壓衆回部之地也初以王師
勦逆撫順不可無故奪之今值彼變亂自取屠滅因
以爲回部適中官軍都會之地是又開惑論所謂愈
變而愈康者非

天垂貺豈能若是哉而予渺小之荷

龍綏勵就業又當何如哉其致變之由及我官軍之奮勇
克復條爲六事各繫以詠如左

聞變

乙酉二月烏什小伯克賴黑木圖拉等聚衆五百餘
乘夜縱火焚掠戕殺官軍駐守之副都統素誠自殺

賊遂據城爲變時駐阿克蘇之副都統卞塔海聞之
急郵奏報覽其詞過於張皇知其庸懦不足集事且
回衆人懷德威使非激之致亂不應自棄化外庸可
不察其由以示懲創因降旨駐伊犁之將軍明瑞細
查致變之由以聞

南巡三月返春舟六百飛傳計里郵

卡塔海初奏烏什
事由六百里馳達

時方自杭州迴蹕卽於行舟
批荅並籌度調兵諸機宜

展視乃知烏什變報來始

自阿蘇投

福同語阿克蘇急呼則爲阿蘇烏什卡倫官全
等聞城中變急投阿克蘇報知卡塔海卽

據以輕徭本是常施惠倡亂何當彼取尤師駐伊犁定

入告赴援重臣宣命察因由

同衆蠢動固罪無可追若召囂
有由亦不可不申國法以儆其

餘因密諭明瑞於
赴援時訪實速奏

師援

阿克蘇喀什噶爾與烏什相犄角應援最近而卡塔
海與駐喀什噶爾之都統納世通雖亦領兵往救但
二人素未經戰陣無益於事時明瑞聞而統兵赴援
兼程過進至則申明軍律并力攻城賊始困窘

勲戚伊犁董重兵

明瑞於平定回部時奮勇追剿屢著
功績素爲回人所憚因命其爲將軍

駐伊犁統轄
諸回城事

早年回部得威名變聞遂率雄師援途遠

仍教兼驛行

計明瑞聞烏什事必率師赴援但伊犁相
距幾二千里慮或稽時奏至知其兼程前

進爲之
欣慰

可笑無能還妬阻

納世通甫至烏什聞明瑞統
兵赴援之信恐其分功遽行

文阻止奏至降旨嚴飭而明幸因未聽遂遣征逆回始

瑞亦不從其言決計迅赴相入倉皇守壁壘新知紀律明

卜塔海納世通諸事失措爲逆回所輕及明瑞

至申嚴軍律賊衆始惶懼死守不敵復出

獻謀

烏什伯克賴黑木圖拉既叛慮其力之不能抗我師也乃相與聚謀走間諜巴布敦等卑辭厚幣求援於霍罕之厄爾德尼伯克又教爲詭語以煽亂所過諸布魯特惟時布魯特久效恭順且知逆黨之妄也遂執巴布敦等遣使詣什噶喀爾以獻

遊牧東西勃律連

唐之勃律卽今之布魯特不同回部列城編城向

苦準噶爾賦重自己卯底定時卽爲減定賦額一如內地編戶徵納人皆樂輸至布魯特則逐水草而居非若回人之能習耕作盡地利故難向化內負城旣叛賴黑附不令納賦惟入覲時職貢效忱而已

木集賴黑木圖拉旣據烏什卽遣其黨巴布敦等偕安間集延塔什罕之貿易同人賁書幣潛往霍罕乞援間去道潛通安集延布魯適居路徑過聲駒支驀遇計擒全巴布敦等至布魯特境卽詭稱附近烏什各回城同噶代默特遣人告之以叛逆惟烏什一城餘皆安堵時布魯特比齊里克齊遂誘巴布敦等擒之卽遣其弟喀爾捫都解送喀什噶爾比者部捫都解送喀什噶外域落之首領卽如同部伯克之職

輸忠意實虔

悉故

布魯特旣縛獻巴布敦等於喀什噶爾時駐喀什噶

爾之副都統柏琨訊其變亂之由則稱烏什之阿奇
木伯克阿布都拉橫派驥擾蕩檢宜淫而副都統素
誠不但不加督責且與之同流合污以是同衆不勝
其忿遂脅聚生變又納世通卡塔海平時亦妄自尊
大凌虐諸回素爲衆怨所集且卡塔海初至烏什城
下不事詰剖輒施鎗礮以攻及賊出拒復怯而敗走
納世通繼至亦茫然不知所措賊益逞其負隅之勢
明瑞詢察得實臚章入告與柏琨所奏悉合因各視
其罪重懲之

巴布敦辭實可憑周諮我衆又堪徵

明瑞查訪致亂所
由知素誠擾累不

法及納世通卡塔海庸妄乘謬諸罪狀皆得自貿易哥
人衆臺站諸同之口詢之在事待衛等亦衆物如一哥
舒翰既少恩甚阿布都拉爲哈密同部貝子玉素富同
木伯克乃自莅事以來不知恤衆每將疲瘦羊馬倍值
取利又肆爲淫惡致所屬同衆切齒亂作亦並遇害實
非意料李大宜還耽樂仍素誠在烏什惟事科派苦累
所及之妻亦曾爲所留因而蓄怨一死餘辜真尙有兩驚
生變則素誠實死有餘辜矣此雖素誠阿布都拉之罪然用
鴛愧惟增二人以致負轅之愧實切于懷可同効節加
優恤用戒將來示創懲

攻堅

明瑞等攻烏什數月圍困甚力賊出拒戰者卽擒獲
誅磔於是賊驚駭聚計謂與其束手就斃毋寧捨死

以求生因謀夜出襲營我軍覘知之預爲之備賊首
賴黑木圖拉中箭死賊黨益窘怖復推賴黑木圖拉
之父厄塞木圖拉爲阿奇木悉衆死守以延殘喘此
皆得之捉生鞠訊者已而明瑞復擒驍銳夜薄其城
登陴毀堞奮擊獲大勝賊自是日危蹙矣

罪不容誅賊自知求生捨死死相持誘來平野騎弗進
賊知罪在不赦僥倖追死明瑞等知之卽調兵兩隊先
後繼進前隊次青努兩擇地張甄以待欲誘賊至平地
合後隊奮擊賊卽退守城我軍追躡及城下仰薄高峯
賊猶持火器乘陴拒敵轟以大礮賊乃匿避仰薄高峯
銃競施督以衝堅誠亦易諭令去聲鄭重故因遲烏什初
卽統兵赴援復命尙書阿桂馳驛往會之彼時以烏什
葭爾孤城又無外援易於收服毋庸悉銳進攻輕懷鋒

鎗致多傷我士卒因諭令嚴急雲梯豎卽登城堞賊旣攻圍待其勢窮力蹙乘機取之雲梯豎卽登城堞賊旣益固守不敢出明瑞等以時屆秋令師旅不宜久曷乃簡巴圖魯六百餘中夜攜雲梯分道潛往薄城兩隅東北隅先登賊未覺挺刃交下守陴賊狼狽卽舉號火招繼進者又循墻自北而東南悉據有之毀其垣堦施鎗箭巨石俯擊殲賊無算早使遊魂金底馳後以天明收軍未卽得城

城復

登城之捷賊益膽落我軍乃逼城築壘嚴圍斷其樵汲卽有突出者並擊敗之賊城糧絕馬餓拆屋以糞撤茅以飼殍仆溢途巷衆皆憂悸離畔沙布爾者烏什之舊商伯克故未從賊爲惡乘人心洶懼謀縛厄塞木圖拉詣軍營納款因以獻城至夜遂內潰先是

論明瑞等曰賊不早悔罪伏法若城垂破始乞降則不可貨當盡殲之以揚我武選明我軍振旅入城悉戮其黨羽徙其婦孺烏什復平時八月十五日也

斧塘鋒蝟勢將

平聲

成將

去聲

恐多傷退我兵

我東北登城

一軍既獲全

勝其攻西南者以賊已有備不復能上明瑞等因天已高明恐爲賊所要襲急撤城上兵遂未得乘銳搗其巢穴

高壘深壕突道命析骸易子苟延生倒戈縛就無完

卵輿櫬獻來逮破城教寫陣圖旌衆勇定功惟是稟虛

盈

聖製文

平定準噶爾勒銘伊犁之碑

惟

天盡所覆俾我皇清罔不在宥惟清奉

昊天撫薄海兆庶悉主悉臣

叶

太祖

太宗

世祖肇基宅中皇耆其武

聖祖

世宗觀光場烈克臻郅隆逮予藐躬思日孜孜期四海同

風咨汝準噶爾

叶

亦蒙古同類何自外攜數世梗化篡

奪相仍碩仇其下厥達瓦齊甚毒於醒衆心疵疵如苗

斯蝨如虺斯螫衆口嗷嗷視爾嗷止予焦勞止期救不
崇朝止視爾疵止予噫嘻止亟出汝塗泥止迺命新附
爾爲先鋒熟悉其路迺命勁旅攜數月糧毋或掠擄師
行時雨王旅嘽嘽亦無滌阻左旋右抽王旅渾渾旣暇
以休烏魯木齊及五集賽度之折折台吉宰桑迎降恐
後奚事芹吭波羅塔拉闡爾奇嶺險如關闔倒戈反攻
達瓦齊走旦夕塗窮回部遮獲彼鼠斯喙地入無隙罅
布飛至受俘午門爰貸其罪自今伊始四部我臣伊犁
我宇叶曰綽羅斯及都爾伯特和碩特輝特封四可汗
衆建王公游牧各安宰桑公臣屬我旗籍誰汝苦辛爾

恭爾長爾孳爾幼徐以教養爾駝爾牛爾羊爾馬畜牧
優游分疆各守毋相侵陵以干大咎齊禦外域曰布魯
特越哈薩克醉飲飽食敬興黃教福自天錫伊犁平^叶
矣勒貞珉矣於萬斯年矣

平定準噶爾勒銘格登山之碑

格登之崔嵬賊固其壘^叶我師堂堂其固自摧格登之

截辟賊營其穴我師沈沈其營若綴師行如流度伊犁
川粵有前導爲我具船渡河八日遂抵格登面淖背巖
藉一昏冥曰擣厥虛曰殲厥旅豈不易易將韜我武將
韜我武詎曰養寇日有後謀大功近就彼衆我臣已有

成辭火炎崑岡懼乖皇慈三巴圖魯二十二卒夜斫賊
營萬衆股栗人各一心孰爲汝守汝頑不靈尙竄以走
汝竄以走誰其納之縛獻軍門追悔其遲於恒有言曰
殺寧育叶受俘赦之光我擴度漢置都護唐拜將軍費
賂勞衆弗服弗臣旣臣斯恩旣服斯義勒銘格登永詔
億世

平定準噶爾後勒銘伊犁之碑

天之所培者人雖傾之不可殛也

天之所覆者人雖裁之不可殖也嗟汝準噶爾何狙詐相
延以世而爲賊也殫食弱衆凌寡血人於牙而蔑知悛

易也云興黃教敬佛菩薩其心乃如夜叉羅刹之以人爲食也故罪深惡極自作之孽難追活也先是分封四部衆建宰桑四圖什墨廿一昂吉蓋欲繼絕舉廢以休以息也而何煽亂不已焦爛爲期終於淪亡胥盡伊犁延袤萬里寂如無人之域也是非我佳兵不戢以殺爲德也有弗得已耳西師之什實紀其詳悉也以其反覆無常遲益久而害益深則其叛亂之速未嘗非因禍而致福也是蓋

天佑我皇清究非人力也伊犁旣歸版章久安善後之圖要焉已定者詎宜復失也然屯種萬里之外又未可謂

計之得也其潛移默運惟

上蒼鑒之予惟奉時相機今日之下亦不敢料以逆也是
平定準噶爾後勒銘伊犁之碑所由作也

平定回部勒銘葉爾羌之碑

粵稽回始肇自天方又名默克一日天堂大食見元回
鶻見唐是皆仿髯所傳弗詳惟我皇清撫有華夏血氣
之倫均歸陶冶準夷昔強其頑弗下恃厥險遠實梗化
者獫狁其衆豺狼其羣以回爲羊役以耕耘利其善賈
三倍市欣拘二酋長處伊犁濱四大回部輸租獻賦騰
格是供衛拉是懼爾絲奚堪溝壑已遠有面內心其何

能訴準夷旣平羣回見天謂自今始飽食晏眠遣厥首
歸撫爾土田生死肉骨詎疑變遷詎疑變遷德竟怨報
助我叛疆戕其使輅叶是用興師聲罪致討叶乃敢抗
顏蜩蟬譖謀旣侮厥外宜安厥內而何狂狙心焉昏憤
殺人爲戲奪妻爲穢大失衆心無不怨背三道並發四
甄齊攻酋知弗支自擄一空廿日之前駢走無踪爾雖
無踪我追應窮滔滔洗洗連戰皆克旦夕苟延遂入異
域異域畏懷舉旗助力腐鼠莫遁遂來獻誠二酋旣殲
諸回永靖叶設官定賦去其苛政昔之諸回曉戰夜偵
今恬以嬉各保性命昔之諸回爲準夷臣今語鄰封曰

天王民曰天王民誰汝苦辛藝爾稷黍爾子孫在昔
已已爰平金川茲定回部亦已卯年歲符理紀瑞疊祥
駢持盈保泰惟懋慎旃

平定回部勒銘伊西洱庫爾淖爾之碑

機有視若失而反得智者之所懃而愚者之所惑也事
有初若勞而終逸壯者之所劬而懦者之所怯也若夫
定全同殲二酋戰無不克攻無不取皆二將軍及諸叅
贊以及行間衆將士之力也然予亦有所深慰於其間
者則以五年劬劬宵旰運籌狎至實未敢偷安於頃刻
也幸我武保定庶因答

乾賦慰

先志且以免浮議之指斥也伊西洱庫爾淖爾者我副將
軍富德等窮追二酋至拔達克山之界獲其降者萬人
二酋僅以身免而遣使索俘遂得獻馘振旅以成茂勲
也其地倚山臨水單騎可容而我突將無前四甄並發
如入無人之域也賊衆首尾不能相顧豎我回纔以招
之降者鋪崖以來霍集占持刃止之或且反戈倒戟也
是以二酋見事不成拔身遠跳駭突而喙息也先是蹙
之於霍斯庫魯克襲之於阿爾楚爾無不以少勝衆批
亢擣堅桓桓之士真如驅虎豹而逐狸兔纏頭碩鼻者

金定集卷之十一
流皆惺惺踉踉見卽辟易也是以先聲異域駭其跳盪
遮逆助順用擐重輜而獻兇級也我兵未深入拔達克
山境者則以討逆之師不蹂無罪之地姑遣使焉彼或
曉逆順亦將擒獻是以將帥之臣審機度時我武少輯
也率歲事而告成功則亦未爲計之失也回部始末已
見於勒銘葉爾羌之碑辭不複綴也特紀耆定之在茲
是以誌歲月而刻石也

開感論

夫人情有所弗槩於懷者則不能無惑況西師之役決
機於午夜之密勿馳檄於絕域之阻閑語言泮不相同

風俗夙然各別是安能人人而告之以祛其疑故事以問明理以答晰因倣四子講德之遺意作開惑論其辭曰

有春秋碩儒者是古卑今循規蹈矩喜寬衣博帶如魯諸生厭突梯脂韋若楚公子聞信

天主人欲有所締構撻伐雖不敢面折其非而每退有後語也既而定伊犁俘名王成

舊志定新疆兵不血刃而歸馬於華山之陽

西陲一役自乙亥春雨路

大兵進發所過迎降恐後遂擒達瓦齊定伊犁乃造於隸屬諸部及秋已告成事無頓挫遺鐵之費

臻成大夫之席曰唉有是哉有是哉走懷杞人之憂有

日矣夫守在四夷其德莫恢佳兵不祥其理莫賅今所見者迥異乎所聞則是秦皇不必築長城而漢武不必悔輪臺也曷以啟子蒙乎大夫曰子不聞長卿之言乎非常者固常人之所疑也無何阿逆叛羣兇應如蝟如蟾曰梟曰獍斷驛擄牧奮臂以逞一二隻行野宿者或致戕其身命阿睦爾撒納潛蓄異志乘我師既平準夷覲爲四部大台吉未遂中途叛逃而一時逆黨如伊犁之巴爾克什木西路之阿巴噶斯哈丹北路之包沁等先後煽附斷臺肆掠道路爲梗於是碩儒復過大夫之間曰如何如何果不出吾所訝宜亟罷是役禍庶少輯大夫曰子姑俟之於時師重進渠遠跳順者撫逆者勦丙子春我師整旅討逆阿睦爾撒納竄去其黨並就剿撫伊犁復定先

是喀爾喀有青滾雜卜者獯狡僉同之驍獍也以收都

爾伯特四部時曾買其牛羊用賜新撫乃藉以煽惑衆

喀爾喀且欲私通阿逆之醜虜

青滾雜卜本喀爾喀台吉恩封郡王從征密旨

令將軍等計擒阿逆時青滾雜卜實徧其信復自軍營
逃回游牧盡衆撤卡甘心從賊爲我參贊大臣納木扎爾執送京師
得正顯戮阿逆既竄罪人斯得喀爾喀衆以休以息

然彼時將帥之臣追阿逆於哈薩克爲其所賣同時準

噶爾宰桑之在役者皆習爲盜而慣軍詐者也見而輕

之時阿逆竄跡哈薩克方以謫計緩師而將軍達爾黨阿不審先機竟爾按兵待獻坐失事會既罷

役則相率爲亂欲復其舊制而恥爲我臣是和起被欺

於闐展兆惠戰出於濟爾哈朗之所因也

厄魯特宰桑等從征哈薩

克者既心輕將帥所爲思逞亂階將軍和起方往追巴雅爾至關辰爲逆同莽噶思克厄魯特呢嗎等設計遣散駝馬倉卒被害而將軍兆惠自濟爾哈朗力戰得出賊勢復戢碩儒曰吁是蓋禍結

兵連吾不知何日之息肩矣爾其重整四甄夾攻兩路阿逆復自哈薩克竄歸適遇我師又倉皇而遁去蓋自是哈薩克亦面內歸化欲助我以擒阿逆而阿逆乃隻

身入俄羅斯境窮極伏冥誅之故也

哈薩克以素稔阿逆反覆且畏懷中

朝威德奉表來歸請以擒賊自効逆勢益蹙僅以殘喘投俄羅斯斃焉遣侍郎三泰驗實以聞豺狼不

可以大豕畜鴟鴞不可以雞鴨育是反覆喜亂之徒再存之再不知感且殘賊爲奸焉是惟翦刈灰滅之而已更不可以仁義化遷乃欲姑息了事者又以爲不殺降

人夫不殺降人可留降人之馬而與之足力以受其愚
則大不可滿福之遇難以及助二回酋與我抗衡皆此
沙喇斯嗎唬斯二鄂拓之所構禍也丁丑春復命將軍成衮扎卜參贊舒
赫德等由朱勒都斯路進伊犁將軍兆惠參贊富德等
由額林哈必爾罕路進塔本集賽而成衮扎卜等遇克
勒特烏魯特沙喇斯嗎唬斯等鄂拓克皆撫降其衆不
取其馬駝大軍過而賊皆反去乃遣都統滿福領偏師
追剿沙喇斯嗎唬斯二鄂拓賊人詭持軍門割自稱已
就降撫並云前驅除道以待滿福行次哈拉和落竟以
墮計至庫車之稽勦實債輓於迨迨更將申律旗鼓一
捐軀
新遂長驅直入而功垂成於崇朝先是大和卓木既還
故部乃阿逆之叛小
和卓木孤恩助惡及興師問罪圍庫車城而小和卓木
來援身虞入城自投羅網雅爾哈善縱賊失機遂致養
癰貽患
黑水之守主客衆寡之勢雖愚者亦知其漂搖以

三千餘人敵數萬衆而搜穴得米掘井得泉賊銃著木
取鉛丸數無萬反以擊賊無不中賊之首豪於是兩軍
相合賊乃遁逃及窮追異域駐旅馳檄獻馘稱臣遂成
耆定之功高戊寅冬將軍兆惠直薄葉爾羌道遠馬疲
被遮固守時經三月深溝高壘賊不敢侵
且屢獲神應而夏前調兵在道副將軍富德得以檄促
赴援又桑贊大臣阿里袞解馬適至內外夾擊軍威大
振至已卯夏首懼六師繼進棄城遠遁入拔達山界尋
以追兵壓境其汗素爾坦沙聞風歸化殺賊函首以獻
同部悉平西陲永定臻成大夫乃進春秋碩儒而詔之曰兩大部
落不爲不强周二萬餘里不爲不廣五年成功不爲不
速前歌後舞不爲不祥子徒見始事之秋選愼畏蒞者
之騰口是所謂人然亦然人否亦否者也且師旅征伐

之於國猶雷霆霜雪之於

天非霜雪則萬彙煩囂之氣不盪滌非雷霆則四時湮鬱

之氣不鬯宜非師旅征伐則梗我王化者無以讐伏懲

創不敢抗干是以詰戎揚烈益當厯於重熙累洽之年

也子獨不見達瓦齊之懣懣乎

達瓦齊獻俘後赦不誅且優賜王爵以善終

設云事慎首禍禮不納叛是儼然以外夷弑君者爲敵

國豈不弔我君哉碩儒曰豈謂是哉陽舒陰慘生民大

情離憂合懽品物同性絕者不可復屬死者不可復生

損兵折將無補功成大夫曰吁子所謂執迷而不悟者

矣成大事者不顧小謀圖大全者寧辭小害示應於近

者遠有可察託驗於顯者微或可槩且子亦知損兵折將之由乎彼或內怯於心外受人詒決機不審遲疑擿埶而自貽伊悔豈主人之辜哉若夫虎臣黑土折衝宣力馬超囊足姚期攝幘渴賞捐軀實不乏人而一聞如是者午夜爲之酸心舉案爲之忘食雖刻木結蒲無以加茲而且賞延後昆太常紀績如子所云則漢祖唐宗撥亂草創之初寧無一人結纓死綬者哉禮記聽磬聲則思又何以云乎故非沉幾不足以圖功非果斷不足以定業彼其狼狽相顧潛包禍謀者以螳蜋之斧禦隆車之轍不自竿量何異葦苕之鷁鴟是以王師屢入還

奮席捲如舉炎火而炳飛蓬覆湯泉而沃白雪子何不
度以全局待以歲月而爲是無稽之說哉碩儒曰若僕
者乃隙中觀鬥井裏窺天以今日應機底續論之何妨
再遲數年愧矣服矣豁然悚然大夫曰未也子姑聽之
夫食樞懷音非納叛臣獎蹙優遇欲集其勲阿逆初降時備陳賊
中情形請兵甚力卽推誠獎任令副北路將軍以行時或有以厚遇新附竊議者密勅周防先
示戚親時命固倫額駙色布騰巴爾珠爾與阿睦爾撒
狡獪故智未嘗操刀必割所戒逡巡阿逆既以未爨所
不在意計中也操刀必割所戒逡巡望在伊犁時居常
不衣賜服及用私印行軍撤踪跡頗露不逞屢勅將軍
班第參贊鄂容安相機擒剿而因循寡斷阿逆得以入
覲爲詞乘子云應機亦非至論三隙可乘未興大軍或
隙生變

欽定新疆圖志

卷首

三

以爲乘人之釁不知策妄多爾濟那木扎爾年幼昏暴此一隙也喇嘛達爾扎篡奪又一隙也達瓦齊復篡奪之又一隙也彼時皆加征增算何曾於民凡有水旱無未興兵詳見西師詩加征增算何曾於民凡有水旱無不恤賑運輸給價防其蝕侵甘肅歲賦豫免庚辰兩部永靖並及其鄰哈薩布露臬瞞文身無不內屬慕義歸仁鴻庸爰建千古未聞若子者所謂菽麥未辨安足以知我信

天主人哉信

天主人乃召大夫碩儒而告之曰若二子者所謂楚旣失之齊亦未爲得也夫順

天者昌逆

天者亡故粵宛猶不逆時氣而奉若者豈可恃力而誇張
且屢危而屢夷愈變而愈康鉦鼓一動遂定二方鑿空
二萬餘里歲事五載已央使畏難而中輟未必不致禍
而受殃浮議者方且謂老成之言臧也在易師之上六
曰大君有命復之上六曰迷復有眚今得以利用禦寇
由頤有慶是不亦大幸乎夫獲此幸者宜思何以獲此
幸於

昊蒼方將矜矜惴惴凜凜皇皇隕越是懼奚暇計之二子
之短長也哉

土爾扈特全部歸順記

始逆命而終徠服謂之歸降弗加征而自臣服謂之歸順若今之士爾扈特攜全部捨異域投誠嚮化跋涉萬里而來是歸順非歸降也西域既定興屯種於伊犁薄賦稅於回部若哈薩克若布魯特俾爲外圉而羈縻之若安集延若拔達克山益稱遠徼而槩置之知足不辱知止不殆朕意亦如是而已矣豈其盡

天所覆至於海隅必欲悉主悉臣爲我僕屬哉而茲土爾扈特之歸順則實

天與人歸有不期然而然者故不可以不記土爾扈特者準噶爾四衛拉特之一其詳已見於準噶爾全部紀畧

之文溯厥始率亦荒畧弗可考後因其汗阿玉奇與策
妄不睦竄歸俄羅斯俄羅斯居之額勒濟之地康熙年
間我

皇祖聖祖仁皇帝嘗欲悉其領要令侍讀圖麗琛等假道
俄羅斯以往而俄羅斯故爲紆繞其程凡行三年又數
月始反命今之汗渥巴錫者卽阿玉奇之曾孫也以俄
羅斯征調師旅不息近且徵其子入質而俄羅斯又屬
別教非黃教故與合族台吉密謀挈全部投中國興黃
教之地以息肩焉自去歲十一月啟行由額勒濟歷哈
薩克繞巴勒喀什諾爾戈壁於今歲六月杪始至伊犁

之沙拉伯勒界凡八閱月歷萬有餘里先是朕聞有土
爾扈特來歸之信慮伊犁將軍伊勒圖一人不能經理
得宜時舒赫德以叅贊居烏什辦回部事因命就近前
往而畏事者乃以新來中有舍楞其人曾以計誘害我
副都統唐喀祿唐喀祿於戊寅四月偕厄魯特散秩大
臣和碩齊率兵追捕逸賊至布古什河
源射舍楞弟勞章扎布仆而擒之既而舍楞至稱欲投
誠請釋其弟唐喀祿雖許而疑其詐欲先擒舍楞和碩
齊云擒之無益不若招之使降越日舍楞詭稱欲入覲
且攜衆至唐喀祿益疑之和碩齊復言彼畏我兵威不
敢動移各親莅撫諭之唐喀祿信其言從數人往既至
和碩齊勸各解鞍去囊韃俄頃變作唐喀祿遂遇害和
碩齊即降賊尋擒獲伏誅舍楞乃竄俄羅斯境
因以竄投俄羅斯者恐其有詭
計議論沸起古云受降如受敵朕亦不能不爲之少惑

而畧爲備焉然熟計舍楞一人豈能聳動渥巴錫等全部且俄羅斯亦大國也彼旣背棄而來又擾我大國邊界進退無據彼將焉往是則歸順之事十之九詭計之伏什之一耳旣而果然而舒赫德至伊犁一切安汎設偵籌儲密備之事無不悉妥故新投之人一至如歸且擒其應入覲者由驛而來朕卽命隨圍觀獵且於山莊燕賚加都爾伯特策凌等之例焉夫此山莊乃我

皇祖所建以柔遠人之地而宴賚策凌等之後遂以平定西域茲不數年間又於無意中不因招致而有土爾扈特全部歸順之事自茲凡屬蒙古之族無不爲我大清

國之臣

神御咫尺有不以操先券閱後成愜

志而愉快者乎予小子所以仰荅、

祖恩益凜

天寵惴惴焉孜孜焉惟恐意或滿而力或弛念茲在茲遑
敢自詡爲誠所感與德所致哉或又以爲不宜受俄羅斯
斯叛臣虞啟邊釁蓋舍楞卽我之叛臣歸俄羅斯者何
嘗不一再索取而俄羅斯訖未與我也今旣來歸卽以
此語折俄羅斯彼亦將無辭以對且數萬乏食之人旣
至近界毆之使去彼不刦掠畜牧將何以生雖有堅壁

清野之說不知伊犁甫新築城而諸色人皆賴耕牧爲活是壁亦不易堅而野亦不可清也夫明知人以嚮化而來而我以畏事而止且反致寇甚無謂也其衆涉遠歷久力甚疲矣視其之死而惜費弗救仁人君子所不忍爲況體

天御世之大君乎發帑出粟力爲優恤則已命司事之臣土爾扈特部衆長途疲頓凍餒幾不能自存因命舒赫德等分撥善地安置仍購運牛羊糧食以資養贍並辦衣裘廬帳俾得禦寒並爲籌其久遠資生之計令皆全活安居咸獲得所茲不贅記記事之緣起如右

優恤土爾扈特部衆記

歸順歸降之不同既明則歸順歸降之甲乙可定蓋戰而勝人不如不戰而勝人之爲盡美也降而來歸不如順而來歸之爲盡善也然則歸順者較歸降者之宜優恤不亦宜乎土爾扈特歸順源委已見前記茲記所以優恤之者方其渡額濟勒而來也戶凡三萬三千有奇口十六萬九千有奇其至伊犁者僅以半計夫此遠人嚮化攜孥挈屬而徠其意甚誠而其阽危求息狀亦甚憊旣撫而納之苟弗爲之贍其生猶弗納也贍之而弗爲之計長久猶弗贍也故自聞其來及其始至以迫於今惟此七萬餘衆凍餒疴瘠之形時懸於目而惻於心

凡宵旰所究圖郵函所諮訪無暇無輟乃得悉其大要於是爲之口給以食人授之衣分地安居使就米穀而資耕牧則以屬之伊犁將軍舒赫德出我牧羣之孳息驅往供饋則以屬之張家口都統常青發帑運茶市羊及裘則以屬之陝甘總督吳達善而嘉峪關外董視經理則以屬之西安巡撫文綬惟時諸臣以次馳牘入告於伊犁塔爾巴哈台之察哈爾厄魯特凡市得馬牛羊九萬五千五百其自達里岡愛商都達布遜牧羣運往者又十有四萬而哈密闢展所市之三萬不與焉撥官茶二萬餘封出屯庾米麥四萬一千餘石而初至伊犁

賑贍之茶米不與焉甘肅邊內外暨回部諸城購羊裘
五萬一千餘襲布六萬一千餘匹棉五萬九千餘斤鹽
廬四百餘具而給庫貯之璫棉衣什布幅不與焉計儲
用帑銀二十萬兩而賞貨路貲及宴次資予不與焉其
台吉渥巴錫等之入覲者乘傳給餼而來至則錫封爵
封渥巴錫爲卓里克圖汗策伯克多爾濟爲布延圖親
王舍楞爲額里克圖郡王功格爲圖薩圖貝勒默們圖
爲濟爾噶爾貝勒沙喇扣肯爲烏察拉爾圖貝子葉勒
木丕爾爲阿穆爾靈貴貝子德爾德什達木拜扎爾桑
爲頭等台吉懇澤爲四等台吉其未至之巴木巴爾亦
封爲郡王旺丹克布騰封爲貝子拜濟呼封爲公餘封
台吉等備恩禮各賜鞍馬橐駝黃褂並賜渥巴錫策伯
秩有差紫轡其汗王皆賜三眼翎貝勒貝子其往也復慮
扣肯紫轡其汗王皆賜三眼翎貝勒貝子其往也復慮
雙眼翎餘皆花翎並視其爵秩錫以章服

其身之生不宜內地時候

蒙古以已出痘爲熟身未出痘爲生身其生身者多畏染

內地氣則命由邊外各臺厯巴里坤以行而迎及送並

遣大臣侍衛等護視之用以柔懷遠人俾毋致失所或有以爲優恤太甚者蓋意出於鄙吝未習聞國家

成憲毋惑乎其見之隘也昔我

皇祖聖祖仁皇帝時喀爾喀土謝圖汗等爲厄魯特所殘破率全部十萬衆來歸

皇祖矜其窮阨

命尙書阿喇尼等往撫之發歸化城張家獨石二口倉儲以振其乏且足其食

勅內大臣費揚古明珠等齎白金茶布以給其用採買牲畜以資其生遂皆安居得所循法度樂休養迄今八十餘年

喀爾喀衆以康熙二十七年來歸

畜牧日以蕃生殖日以盛樂樂

利利殷阜十倍於初其汗王台吉等世延爵祿恪守藩衛一如內扎薩克之效臣僕長子孫莫不感戴

聖祖德澤及人之深得以長享昇平之福也朕惟體

皇祖之心爲心法

皇祖之事爲事惟茲土爾扈特之來其窮阨殆無異曩時之喀爾喀故所以爲之籌畫無弗詳賙惠無少靳優而恤之且計長久庸詎知謀之勞而費之鉅乎冀茲土爾

扈特之衆亦能如喀爾喀之安居循法勤畝牧務生殖
勿替厥志則其世延爵祿長享昇平之福又何以異於
今之喀爾喀哉用是臚舉大凡勒石熱河及伊犁俾土
爾扈特汗王部衆咸識朕意且以詔自今以往我諸臣
之董其事者

準噶爾全部紀畧

自古無不誌外夷而實者少舛者多非以其方域所限
言語不通耶得什一於千百加以魚魯亥豕其堪信者
鮮矣茲者平定準部止封達瓦齊子一人居之京都且
城伊犁駐將軍鎮守事耕牧焉念彼原一大部落不可

無紀故就親詢實事書之亦以便方畧纂敘也準噶爾四衛拉特者綽羅斯部都爾伯特部和碩特部土爾扈特部是其輝特一部本附庸於都爾伯特後土爾扈特竄歸俄羅斯故別輝特爲一部仍稱四衛拉特云衛拉特明史稱爲瓦剌其音頗近史所載脫歡太師蓋其始祖元亡而其疆臣分爲三其渠曰馬哈木者卽脫歡之父也脫歡者蒙古準語同爲金今準人語金爲海蘇而蒙古語則仍舊蓋準人自避其祖諱此亦一證也自脫歡逮孛汗其世次不可考孛汗背正妻與他婦野合而生子曰烏林台巴剌太師其母棄之澤中孛汗收養之

遂統部落又十一世而傳至賽音諾顏哈喇忽刺是爲策妄阿拉布坦之曾祖子曰巴圖魯渾台吉有子十二人五曰僧格策妄之父六曰噶爾丹博碩克圖其餘無事無足稱長曰策臣次日巴圖魯策臣與巴圖魯殺其弟僧格噶爾丹博碩克圖始自藏中回舊部反俗爲汗於康熙年間犯塞戰敗走死先是噶爾丹博碩克圖旣殺兄僧格之次子索諾木阿拉布坦僧格舊臣七人與策妄阿拉布坦同遠逃準語所謂多倫努庫爾者是多倫者漢語爲七努庫爾者漢語爲友蓋其患難相共所謂世臣並赦其子孫七死云及噶爾丹爲我兵敗策妄

始還和博克薩里收其父舊屬及噶爾丹餘衆復成部落并縛噶爾丹子獻闕下遂自據汗位子噶爾丹策凌噶爾丹策凌子策妄多爾濟那木扎爾其庶兄喇嘛達爾扎執而篡之達瓦齊復因阿睦爾撒納之計篡奪其位達瓦齊者巴圖魯渾台吉之第七子布木之子大策零敦多卜之孫於策妄爲再從姪孫其小策零敦多卜則策妄之祖巴圖魯渾台吉之弟默爾根代青之曾孫其去策妄世派蓋已遠矣先是康熙年間噶爾丹博碩克圖拘繫和碩特車臣汗牧所屬人衆併入準噶爾鄂拓克其時有和碩特之拉藏汗者居唐古忒地卽顯寶

汗之裔也子二人一名丹衷一名索爾扎丹衷由唐古忒仍回至厄魯特娶策妄阿拉布坦之女博托洛克爲妻後策妄阿拉布坦知其學習哈拉爾查達術卽巫蠱事也以兩釜夾丹衷身烙死遂令大策零敦多卜領兵六千襲西藏擒殺拉藏并擄伊子索爾扎我

聖祖仁皇帝

勅諭策妄阿拉布坦不得繹騷唐古忒地並發大兵進剿於是大策零敦多卜攜索爾扎逃回厄魯特藏地復平追雍正年間策妄阿拉布坦死子噶爾丹策凌欲與唐古忒和好給索爾扎戶十資養並以博托洛克與韋微

和碩齊爲妻其在丹衷處所生子班珠爾給戶五資養
彼時博托洛克復有孕未產適韋徵和碩齊後乃生二
子是曰阿睦爾撒納故阿睦爾撒納雖爲輝特台吉實
與班珠爾皆丹衷之子噶爾丹策凌死策妄多爾濟那
木扎爾恐索爾扎之子納哈查逃往唐古忒將伊禁錮
至達瓦齊篡立始將納哈查釋放又和碩特羅卜藏車
凌者娶策妄阿拉布坦之女達什色布騰爲妻噶爾丹
策凌時因羅卜藏車凌率領伊屬萬戶欲往土爾扈特
遂遣兵擒獲羅卜藏車凌囚之以其妻給韋徵和碩齊
二子交烏魯特鄂拓克宰桑伍巴什安置至青海居住

之羅卜藏丹津於策妄阿拉布坦時逃至準噶爾策妄阿拉布坦死後羅卜藏車凌羅卜藏丹津二人謀殺噶爾丹策凌嗣因羅卜藏丹津被拘羅卜藏車凌恐亦被囚遂欲逃往土爾扈特故雍正年間我

世宗憲皇帝索羅卜藏丹津噶爾丹策凌稱已縛送至中途聞進兵而止者非詐也蓋彼業經拘繫之囚故不靳固而且欲以爲奇貨也噶爾丹策凌於丑年死策妄多爾濟那木扎爾年幼其姊鄂蘭巴雅爾同母出也每以善言相勸禁其淫亂策妄多爾濟那木扎爾年旣長遂不受其禁制並聽讒言謂其姊欲效俄羅斯自立爲扣

肯汗

扣肯汗者女
人掌國事也

遂將鄂蘭巴雅爾拘繫並殺戮多宰

桑其後屠狗盜妻之事無所不爲益無忌憚鄂蘭巴雅

爾之夫薩音伯勒克遂同噶爾丹策凌庶子喇嘛達爾

扎攻執策妄多爾濟那木扎爾喇嘛達爾扎遂篡汗位

有噶爾丹策凌幼子策旺達什者阿睦爾撒納班珠爾

欲誘出策旺達什立爲汗後被喇嘛達爾扎知覺遂殺

策旺達什阿睦爾撒納班珠爾二人從患達瓦齊云喇

嘛達爾扎既將與爾同誓之達什達瓦

小策零敦
多卜之子

殺戮

恐禍將及爾於是達瓦齊阿睦爾撒納班珠爾三人同

逃哈薩克至申年達瓦齊阿睦爾撒納班珠爾復同誓

游牧處阿睦爾撒納遂殺其兄沙克都爾據其衆復與伊犁喇嘛等合謀殺害喇嘛達爾扎立達瓦齊爲汗其次卽阿睦爾撒納用事二人仍屬親厚有達什達瓦姪訥默庫濟爾噶爾者欲與達瓦齊分領準噶爾猝率兵一萬至伊犁與達瓦齊戰達瓦齊敗至舊游牧額米爾處與阿睦爾撒納會因阿睦爾撒納計誘執訥默庫濟爾噶爾誅之準噶爾衆仍立達瓦齊爲汗達瓦齊聽伊犁衆宰桑言與阿睦爾撒納生隙阿睦爾撒納本垂涎汗位旣失望遂與班珠爾納哈查及都爾伯特訥默庫等會同哈薩克將額米爾一帶住牧者肆行擄掠且耕

種額爾齊斯爲自固計達瓦齊凡三遣兵勦阿睦爾撒
納皆不克其後自領兵三萬至阿睦爾撒納游牧之額
爾齊斯蹙之阿睦爾撒納勢不敵始投誠來歸此準噶
爾始終構亂所由也至準噶爾鄂拓克昂吉之名各異
者鄂拓克爲其汗之部屬昂吉爲各台吉之戶下舊鄂
拓克凡十有二烏魯特有四宰桑人五千戶爲一鄂拓
克喀拉沁有一宰桑人五千戶爲一鄂拓克額爾克騰
有一宰桑人五千戶爲一鄂拓克克里野特有二宰桑
人六千戶爲一鄂拓克卓托魯克有一宰桑人三千戶
爲一鄂拓克布庫斯有一宰桑人三千戶爲一鄂拓克

阿巴噶斯哈丹各有一宰桑共人四千戶爲一鄂拓克
鄂畢特有一宰桑人三千戶爲一鄂拓克鄂羅岱有二
宰桑人三千戶爲一鄂拓克多果魯特有一宰桑人四
千戶爲一鄂拓克霍爾博斯有一宰桑人三千戶爲一
鄂拓克綽和爾有一宰桑人三千戶爲一鄂拓克其後
復立鄂拓克十有二巴爾達木特有三宰桑人四千戶
爲一鄂拓克庫圖齊納爾有五宰桑人四千戶爲一鄂
拓克噶爾雜特有三宰桑人四千戶爲一鄂拓克沙拉
斯有二宰桑人三千戶爲一鄂拓克嗎唬斯有一宰桑
人五千戶爲一鄂拓克布庫努特有一宰桑人二千戶

圖古特有一宰桑人五百戶爲一鄂拓克烏拉特有一宰桑人三千戶爲一鄂拓克阿爾闡沁有一宰桑人五百戶爲一鄂拓克扎哈沁有三宰桑人二千戶包沁有三宰桑人一千戶爲一鄂拓克奇爾吉斯有四宰桑人四千戶爲一鄂拓克特楞古特有四宰桑人四千戶鄂爾楚克有一宰桑人五百戶烏爾宰濟蘭有一宰桑人八百戶爲一鄂拓克明阿特有二宰桑人三千戶爲一鄂拓克鄂拓克之外復有五集賽阿克把集賽有二宰桑人四千戶賚嗎里木集賽杜爾把集賽推素隆集賽伊克胡拉爾集賽各有一宰桑人各一千戶其後復立

集賽四溫都遜集賽善披領集賽各有一宰桑人各一
千戶桑堆集賽品陳集賽各有一宰桑人各三百戶此
九集賽辦理喇嘛一切事務喇嘛有六千餘準噶爾共
六十二宰桑二十四鄂拓克一切供賦俱其汗公物其
外復取烏梁海及葉爾羌喀什噶爾阿克蘇和闐四城
同人租入其二十一昂吉爲各台吉所有而統屬於準
噶爾之汗昂吉者準語分支之謂也綽羅斯部之達瓦
齊一昂吉達什達瓦一昂吉多爾濟丹巴一昂吉噶爾
藏多爾濟一昂吉訥默庫濟爾噶爾一昂吉鄂齊爾伍
巴什一昂吉都爾伯特之策凌一昂吉達什一昂吉伯

什阿哈什一昂吉和碩特之沙克多爾曼濟一昂吉輝
特之塔爾巴哈沁薩音伯勒克一昂吉和通額默根一
昂吉多羅特舍楞一昂吉敦多克一昂吉葉克明安巴
雅爾一昂吉車凌班珠爾一昂吉巴圖爾額默根一昂
吉察罕圖克阿睦爾撒納一昂吉博洛果特台吉諾海
奇齊克一昂吉土爾扈特台吉巴圖爾伍巴什一昂吉
吞都布一昂吉共二十一向於西師詩稱二十一昂吉
爲其汗公屬者蓋考之而未詳茲始詳詢縷細如右然
各台吉雖分領其昂吉凡出師執役無不聽其汗之令
則初所譯者亦未爲大差也統計其汗之二十四鄂拓

克九集賽及各台吉之二十一昂吉得二十餘萬戶六十餘萬口成一部落者百十餘年語云十人成之而不足一人敗之而有餘吾於紀準噶爾之事益見其不爽賈生所謂仁義不施而攻守之勢異雖夷狄之有君豈能外是道哉

土爾扈特部紀畧

事不再三精覈率據耳食以爲實君子弗爲也言不求於至是已覺其失護已短而莫之改易君子弗爲也必知斯二者然後可以秉史筆以記千載之公是公非余之爲土爾扈特部之紀畧亦亶是而已土爾扈特之初

來也蓋嘗詠之詩載之記皆以爲始自阿玉奇汗溯而上之荒畧不可考此亦述向之所聞者而書之而不知其更有所祖非始自阿玉奇茲以其麋至乃得一一詳徵其實爲之重記何必隱約弗明以諱吾前言之未精歟哉阿玉奇之父曰棚楚克其祖曰書庫爾岱青其曾祖曰和鄂爾勒克其高祖曰卓立甘鄂爾勒克其高祖之父則曰貝果鄂爾勒克自貝果鄂爾勒克溯而上之實遠不可徵其入俄羅斯也則自阿玉奇之曾祖和鄂爾勒克於策妄之祖巴圖魯渾台吉時其時四衛拉特各自爲汗無所統屬又不相和睦和鄂爾勒克因率其

子書庫爾岱青等至俄羅斯之額濟勒地其時阿玉奇
尙在襁褓因留巴圖魯渾台吉處後書庫爾岱青往西
藏而回遂向渾台吉索阿玉奇歸俄羅斯巴圖魯渾台
吉爲阿玉奇之外祖以時代計之適相當而阿玉奇汗
時其子散扎布台吉率所屬一萬五千餘戶往投策妄
策妄盡留其屬而逐散扎布歸額濟勒則向記所云阿
玉奇與策妄不睦亦未爲大誤也自貝果鄂爾勒克至
和鄂爾勒克皆單傳和鄂爾勒克有子六人一卽書庫
爾岱青餘三無子其二皆有子孫式微無足傳書庫爾
岱青子四二絕嗣其一曰那木策楞四傳而至巴木巴

爾今封郡王其一卽棚楚克四傳而至渥巴錫今封汗棚楚克之子阿玉奇有子八人其六皆無子嗣其一曰袞扎卜有子嗣今之封親王策伯克多爾濟者其曾孫也袞扎卜乃渥巴錫之祖沙克都爾扎卜之親弟故其子孫爲渥巴錫近族與沙克都爾扎卜子孫皆隨渥巴錫而來其戶口之數已見前記茲惟記其始祖所自出並証前之失精覈而未實者至其重黃教置鄂拓克宰桑之類率同準噶爾但具體而微蓋準噶爾之紀略紀其全部之盛衰而茲土爾扈特之紀畧則紀其世系之

詳悉云爾